



秋錦山房集卷五

古今體詩

共一百五十八首

寄錢爾載

君行代北隨鴻雁我向蠻荒聽鷓鴣別去祇憎鄉路遠
歸來翻恨酒人孤亭臯葉下吟成否江上峰青記得無
何日小桃踈竹底一尊叉手話長途

叔明遠留同昭仲展馭樓飲即事次章有慨疇昔

擁書高處俯諸村客到開簾過雨痕山翠有情當落照
竹林無恙且清尊坐聞塵語多違俗不愧儒風是杜門

辛苦向來文酒地典型曾共翦鐙論

謂勗齋夫子

喬木東西別墅深承平第宅做清陰從拚往事溪樵話



剩有高樓步屣尋，檢點蠹魚三世簡。去來梁燕百年心，相逢莫訝巡簷久。愁絕多時不共吟。

懷錫鬯

結廬共有谿南約，羨爾閒窓對白雲。今日池邊看青竹，竹垞雖好不逢君。

客裏曾嗟心事違，年來翻覺到家非。把詩聯騎多陳迹，猶夢西山翠濕衣。

謂京師舊游

寄嚴存菴學士

人說嚴夫子，詩如沈隱侯。篋中三殿草，門外一溪流。忽抱遺書嘆，新添聖室愁。峴山青咫尺，欲趁采茶舟。茗雪宜人處，峰晴翠一湖。王孫殘墨在，刺史勝亭孤。君

罷新絲竹，予懷舊酒壚。野香溪漲後，記得漢陰無。落句謂學

士在時見贈詩也

韜荒嶺南歸見訪

嶺梅經戰幾番開，賦罷東還不易才。後磨半規巖眼滑，

春山一卷粵香來。韜荒以嶺南二美誇予一小研名憶殘雲一張穆之山水香樹畫冊

從臥病秋辭客，何幸逢君屐破苔。雲散風流十年事，

前須盡故人盃。

昨歲今晨殊可憶，嶺棉湘竹路參差。去歲韜荒在粵予在楚布帆

安穩歸何補，錦瑟悲涼俗未知。筋力且堅花底坐，山川

却話酒闌時。最憐閒殺飛書手，無賴秋窓夜賭棊。

喜二鮑重陽相訪時，蜀歸未一年將赴都下。

故人九日枉輕舸細雨秋江淥半篙馬首三年盤棧落
相逢知爾倦登高

江蘆蕭瑟早鴻銜乍脫西來從事衫怪爾才名耽遠道
又隨烽火掛征帆

月夜過黃叟

薄酒初命魯新浴如在沂迢迢水東月高林已先輝緩
屨臨廣疇其南橫翠微夕風冷然來締綌銷炎威黃叟
義皇人老屋荆爲扉世事不掛口抱甕存天機瓜華爛
差架菊葉翻霑衣留缺候清露設徑通漁磯藥闌十步
地蔬植乃不稀知我愛真率擁膝坐相依媪忽餉果核
泉清茗芽肥忘言到月沒屋角晨鴉飛樂莫樂今夕萬
慮浮雲揮不與靜者對安知利名非

初夏過友人竹軒

野塍斜過小巖窅涼在君家十畝中人語柘田村近遠
夕陽茅舍水西東一枝壓帽花迎客萬翠捎簷竹戰風
不是漢陰機事少欲論疇昔與誰同

林於約過竹軒不至

世事荆榛不易刪偶逢止壑便開顏避人鉏菜非吾事
銷夏科頭且舊山絕愛垂楊橫水次只無小艇到林間
耦耕素侶惟君在携手何妨半日閒

訊放梅上人攝病水香菴

問訊支公疾蕭疎愛獨行人煙不到處松竹迴含情茶

熟耳先得藥香心轉清笑談趺坐好即此悟浮生

同人載酒過竹軒

見說江城堠火銜鄭家書帶不曾芟偶然漁父黃緣地
也似蘭亭少長咸班竹影纔移晚徑水蘋香欲上秋衫
若論世事須浮白我已關情木柄鑿

蓼園族祖竹下家讌值徐丈皆山至

曲欄西畔繞清陰磨鏡人閒得共尋杜曲尊罍開徑日
義熙松竹罷官心牕垂石髮看猶昨詩記春燈直到今
丁未上元賦詩話別阿大中郎俱好在團欒差不負秋林

八月十四夜同人集分虎弟寓園分賦

薄釀携荒徑新涼恰半秋竹間休問主花底足銷愁野

色雙扉澹溪雲一鏡流故鄉情話好悔殺十年游

喜曾青藜至

青門一分手歷歷記游蹤忽訝花間棹新于戰後逢詩
篇餘朝氣山水問吳儂青藜時寓吳門更作行吟約相尋第幾

峰

出處應難定他鄉有夕烽老思三畝宅秋愛一枝筇桂
樹淮南賦榜花登尉峰君非猿鶴侶未許白雲封

友人訂看菊是日對雨

擬踐壺觴約中宵興已生夢回天忽雨花候古難晴雁
冷無來意楓疎有落聲溪邊問樵父斟酌板橋行

簡蔣丹崖明府表兄

乍聞廉吏返林丘煙樹西莊且息游絕塞幾年隨隴雁
忘機從此狎沙鷗芳蘭九畹新除棘老屋三間舊枕流
借問秦時一明月何如移照故山秋兄舊今伏羌
舍南涼色淨蒹葭屢負谿風落槩牙高隱尚看中表在
佳期不分一秋賒柴桑晚徑添垂柳天寶風人剩浣花
倘許相從話山水年來吾亦久浮家

用韻酬王邁人先生秋夜憶同人游宴之作

病起踈塵事聞人說有秋欲爲看稻去翻作入林游老
葉風猶駐明河月共流清光何負客不用一錢酬

竹披溪濯處

謂先生原句

相憶夜初寒枉句憐秋好重吟覺

和難銜杯宜作達秉燭且爲歡莫似離羣雁霜天惜影

單

俞丈右吉移居吾里越歲將歸城東草堂賦五七

言各一章

連舍過從數將離感又生曾爲萬里客未定一隅耕俗
薄思前輩天荒老盛名山盃邀共把更話晚秋情
避地襟懷冰雪清論文許我眼分明即看舉世少同調
正欲與君商耦耕杜甫草堂無定所襄陽耆舊獨知名
江城一帶蕭疎柳此樹能傷去住情

寄曹實菴舍人

青門折柳記年華別後傷心百感賒正憶舊游紅藥省
遠題清怨木蘭花舍人以減字木蘭花一闕見懷仙人隱只宜朝市才

子詩曾說內家不待斲窓公事了向來班管是生涯
飄零庾信江南賦憔悴蘇公嶺外身淚濕不緣懷古意
夢來先繞對牀人邊花落後應逢雁妖鳥啼時祇暫春
馬首傳書曾一笑隴梅池草是前塵兼憶今弟中丞公

輓王西樵考功

斯文真已矣凋謝及夫君對客琴猶昨傷離笛故聞平
生勞折節遺墨感題裙一代雲津躍雙龍惜已分謂阮亭侍

道在從舒卷先生信有之唐風星使采越絕寓公知直
著為郎日心安死孝時考功丁外艱以哀毀得疾文章關至性留與
後人師

焚魚還捉麈雲壑自相親詩到無人愛取放翁句意廉于去

國真盛名稀白髮幻影笑朱輪十笏高吟地鶯啼草自

春

瀉酒春鐙夜傳書犵烏鄉二語事在辛亥相思曾萬里此別竟

千霜天忌芳蘭盛人懷舊雨傷魯門東去路回首涕浪

浪

人日次耕至因招青士

避人卜築水雲偏有客輕舟繫柳邊薄飲春燈三下漏

勝游人日五經年辛亥客都門同次耕游西山亦知江海多同調且

為干戈惜此筵風景溪南差不惡蚤梅初綻月將弦

正月十九日周潛岳幹夫至小集

踏歌三五後帆到一溪雲待月鐙初卸登樓雨恰聞此
邦無戰伐傳語尚紛紜正欲商游事前宵渡北軍謂近

蓼園族祖約過吳酉山園齋看早梅示諸同游

約伴探香雪新晴未肯閒籍成猶竹底主客換花間居園
昔為吾從穉蝶窺紅萼珍禽坐玉顏童年攀折處踈影

認殘山

清明七花歌

周五席上置雜花
瓶中勸飲製此歌

寒食不復知天寒野桃一笑春無端崔郎色絲和者難
去年翠袖雙憑欄孕綿冶綠垂征鞍二月已復飛漫漫
不須聯臂章臺看滇茶種殊非一觀當盃灼灼影流丹
蓓蕾細束珊瑚攢西蜀佳人紅露餐裊如初拭溫泉瀾

回顧六宮無綺紈吾家衣白骨珊珊託根仙谷今猶盤
花時未礙敬予冠野香千頃蜂作團軟茵合就新泥乾
別有九畹滋芳蘭素蕤紅架留清歡王者香宜置金鑾
兮君莫嘆

廢園

長林背郭屢經過亭午東西散綠蘿社雨自添新漲濶
游船不似往年多微茫第五橋難認院晚春三月奈何
埽壁欲題衰盛感鴿鈴漁板和高歌

贈遠士不為

詞場風格久荆榛二妙縱橫筆有神瑜亮齊生看對壘
尹邢不如是佳人雅音此日存孤賞古調從來有亂真

龍邃鳳簫吾和汝臨風一曲蝦鴟嗔

春暮次友人韻

春意將歸底太忙麥苗纔碧柳絲長農如得耦真堪老
奴可相呼不厭狂荷榼溪童粗解事落紅邨塢尚聞香
青山莫但支頤看早有倉庚喚女桑

邗上客舍蛟門舍人移酒過話

邗江弭策偶然經折東重勞喚玉瓶夢裏江淹才欲盡

到來阮籍眼逾青新桐百尺藏書屋舍人有百尺梧桐閣逝水三

年送客亭回首醅醲花一架舊游冠蓋已晨星都下刺梅園昔

與諸公游賞地今肯齋云止
湟榛舟石久隔音問故及

宿真州古寺贈瞿脉不昧兩上人

入城猶野色借榻到僧邊佛火三生夢溪楊一寺煙去

鄉寧有役買隱坐無錢且喜隨香積同叅玉版禪

三月三日訪紀處士蘂子早宴別去

處士臨江宅津人一半知岸紅桃惹惹沙淨鴨差差相

見忽如夢苦留仍賦詩春風吹卯酒腸斷采蘭時

滁州酒家

軟泥斜坂見雲生樹杪人家獨晚晴卷箔小鬟猶喚客

定巢新燕未知兵環滁山色恰當戶夾岸柳花飛入城

一路好春看不足輕裝只信馬蹄行

舟中書所見

柳絲桃葉可憐生浣女移舟及曉晴髻影衣香多在水

春流一往太無情

紅縑垂帶日成時魚鳥驚心定不疑如此傾城坐船尾
人傳金屋有蛾眉

三朝三暮柁樓煙醒便魂銷夢惘然不是如鷺春浪白
誰教匹鳥別晴川

定遠道中

棘刺蒼涼少客行四年前路眼分明銀鈎換火

癸丑東還事

城西巷驢背濛濛雨二更

遠游端自負青春帽影鞭絲穀雨辰水鳥忘機花解笑
匆匆怪殺板橋人

山船

行過滁西岸減花壤高蹊窄亂春沙荒程欵段愁無力
穩坐山船也當家

訪劉考功蒲菴於潁州有贈

歐蘇以文雄舉世方迷津一出砥狂瀾勢若楚與秦女
陰好山水二公洗濯新亦有今歐蘇我何思古人

賤子別京華傭書走荒遠歸治海西田蕪穢不可畹昔
吹吳市簫終携洛陽畚登堂多愧色學道嗟予晚

桃李驕青陽鯤鵬上寥濶四十獨無聞春風吹袷褐迂
踈冀榮名北趨笑適越美人不遐遺白駒庶可秣

蒼生思謝公布衣感平原曾有萬卷書出處義所敦先
生未白髮鳳雛已青雲為善亦云樂但觀考功門

宿劉家園子蘇孝廉懋存過話是夕有兵信且值
雷雨大作與懋存各賦一首

浪傳兵氣到藤蘿長者仍携枕簟過萬事酒邊增磊砢
一燈林外忽江河交論穎汝英雄見詩話源流正變多
欲問妙香行藥否櫻桃落盡奈春何是日劉考功以禱疾不至妙香其齋

劉幼功明府載酒招游別業

東郊一葦問雙扉客到林間鳥亂飛風物從知女陰好
仙源莫道武陵非紅憐韎韐輕堆椀錦憶夫人乍卷幃
櫻桃牡丹最盛怪得先生拂衣早縣花纔種便思歸
冶游裙屐半春賒囊口浮香十里車佳客問奇探卷帙

小童除隙待桑麻明府方以蠶桑為穎人倡他年得句應思穎此日

從公未憶家金谷平泉堪一笑昵人端不在繁華

聽劉考功彈琴

一花當戶好香藝綺疏邊四坐悄無語孤懷誰與宣淡

寥船刺海曲折水生弦未了青霞思今宵夢百泉考功曾結

盧蘇門留琴而返

劉考功受琴於王生自歸里門以指法授諸侍姬

一日携游郊外經王生墓命姬各操一曲而去

携家初到穎河濱石上行來靜麴塵故友難呼宿草地
先生閒遣據梧身茗爐松塵迴香屨岸柳風花接錦茵
一曲休翻玉蓮瓊新聲腸斷夜臺春

酬別蘇懋旂

杜鵑強解事芍藥太無情將離惜彼美又聞歸去聲昔
我艤春船殘紅點衣袂今歸及朱明靜綠陰滿地別思
何纏綿一卷墮我前野立更斯須此情無歲年扣舷看
潁水笑讀君詩去後夜夢相尋定到連牀處

答張金吾孟深

垂楊藏堞舟倚門清潁一髮穿千村張公司馬之間孫
蕭齋把書古意存作詩便作清潁色澱紋自起非風翻
我持束筍笑瑣陋似挾拳石攀崑崙紫藤桃花偶然耳
何意擊節當清尊孟深極賞鄙作中汝南名士此焉集
春風徐來月照軒塵尾能令客思好坐君古樹槎柯根

君言良會別可惜期我十日歡平原山川我亦耽佳處
重來準擬經年住勝地賢豪公等在也知不可無流寓

重次正陽關同朱立臣

煙銷維楫古松根睡起殘書傍酒尊憶昨春山獨往意
連宵白舫故人論溪田隔水開平綠淮雨浮花到舊痕
記否葛娘酒家婦當渡別重來只見柳垂門

宿下蔡

蒲風招暝宿沼夕榜炊遲五兩移商婦雙魚就網師枕
香花出渚波靜月當眉旅夢荒雞外何人歌竹枝

八公山下有農而可語者題其屋壁

弱歲知書壯即休全家生計足西疇不知峽口通諸縣

自許牕前類十洲銜到野花門過鹿啞殘溪荇荻藏鷗
淮南枉拔僊靈宅輸與田翁自在游

懷遠道中

綠流人語靜帆轉見山容僧徑垂初地漁舟出兩峰水
雲彈指變鷗鷺采香逢津口分懷毫冥冥辨去蹤

七閩

授鉞天潢重何時埽七閩前途惟整肅降帥敢逡巡埃
雨千夫淚花風萬馬塵遙傳關失險急爲策遺民

汪舟次招集同駿孫無言立臣令弟叔定

廣陵魚笋夏初宜地主壺觴晚更期昔別蒼茫如旅夢
近看排冪有新詩書生塵尾防河策畫裏桃源帶甲時

二語並記
即席事

晚坐溪西精舍呈懸公

清絕西溪荻菴廊果然佛土在西方把書就竹僧擅翠
洗鉢攀荷葛袖香杖憶尋山穿虎窟鄰知說戒徒魚牀
柴門以外原通市只覺塵紅是別鄉

入秋苦熱借林於蘅在涵叔泛舟小飲

清尊出柁樓避暑問前洲綠有藏蟬樹涼多浴渚鷗月
黃將入雨雲火未銷秋酒盡村帘近吾寧與婦謀

諸同好午集小齋戲爲拈韻詩刻香二寸

俗物不至桑麻裏開軒一笑雲低屋侍兒撥火茗椀香
主人舍瑟聲在竹稍聞來屐頗好事宵燈結菑昨已卜

當盃但愛江有楓避世安知原逐鹿行樂休過少壯時
看花直到秋樹禿異書恨少苦長晝鄰家得瓶肯借讀
三間于此亦足矣蔬圃漁莊須陸續問年坐客出我後
落紙欲妬驚鳥速如泉迸峽萬珠碎又如好春山鬪綠
古來同調誰比肩阮林七子竹溪六家人知我餘興在
爲報牀頭酒新熟詩成不值粟一囊勸君閣筆行秉燭
看月星糾梅墅同令弟秦楷

枕簟且須設蕭齋結菼新樹踈秋有態雲走月無鄰習
靜宜花圃能閒屬酒人放歌蛩語外今夕對牀真

飲沈山人別業

故人書報酒新熟不遠茅齋隔芋田秋爽便來如有例

竹間開徑已多年圍碁笑賭青鐙夜小婢聽歌白紵篇
叢桂肯教輕過眼好花何限戰場邊

龍山道中宿古呆菴

半篙溪綠晚移舟雲散藤蘿最上頭只擬鐙分蘭若火
恰逢僧是道安流山間入夢他年月楓底聞鐘兩岸秋
一著團蒲渾不寐心清真覺妙香留

寄查韜荒夏重德尹兄弟

念君磊落好兄弟家在龍山黃葉村久闕寄書秋雁笑
憶曾縱酒雪燈昏傳聞易改新烽火耕鑿粗安舊葺門
見說耽游閒送日歲寒正壑肯相存

雨後坐友人齋望大小橫山飲竟日

禾金山人集卷五 十三
山根不到處，漭泆爲澤國。有如丹青家，畫水少畫石。平生飽看山，合眼記所歷。不能振策遄，臥游總陳跡。里南兩青峰，難與名山敵。朝來殊解意，一抹新晴出。沈郎有天幸，空翠落檐隙。自我游其間，弱冠踰四十。市喧了不聞，樵牧笑相揖。復此命觴咏，未許雜生客。詩成寫桐葉，放筆無媿色。非子義皇人，何處著吾膝。

有答疊前韻

乘時取通侯，有身皆許國。負畚獨何爲，茲謀非擔石。遙聞傳烽紅，靜念九州歷。向來歡娛場，沃野纏虎跡。如何手一研，不學萬夫敵。攤書映窓光，負此日東出。我豈匏瓜生，磨蝎屬有隙。好友相慰藉，快語一當十。富貴馬生

角期我下車，揖金門。方舉肥太瘦，無此客。但可屏塵囂，庶保歲寒色。蚌鵲任紛紛，漁翁方抱膝。

分虎弟携酒饌集星紉梅墅三疊前韻

秋花如好女，入戶見傾國。主間小童清，洗盞就佳石。故人手種樹，衰盛吾眼歷。自從白也行，庭無愈之跡。

難以抔土敵，得歸厭城府。匿影不敢出，有弟晚

鋤瓜提壺綠陰階

但呼田父

飲笑謝官長，揖爲園輞川。好畫理屬詩，客疏畦阿段。解菜把青一色酒，盡且勿喧橫琴已在膝。

過石佛菴四疊前韻

野行趁秋聲，小歇香醉國。龍象鬼師鑿，合掌先拜石。虛

堂瓔鬢垂金氣閃寂歷僧招坐池軒鳥去苔隱跡鐘鳴
魚解赴竹翠松與敵秋作九里香破釜晚炊出繙經契
禪悅遣此駒過隙試做迦陵音法師品第十扣門者誰
子在課不敢揖此樂憺忘歸翻疑佛是客鷗眠放生處
花有世外色借問錦蒙身何如蓮繞膝

客有問予近狀何樂也戲答

藥闌西畔水潺湲金粟香時晝掩關幸少橫戈來谷口
更無征稅及花間身憂天下非吾事交到名場任客刪
斟酌把詩行酒地青藤隨意點苔班

羅溪見香椽一樹繁碩可愛以三絕句投主者索
十顆

斗室山香插几偏身依繡佛已三年定州雪椀洮州綠
合貯秋黃十顆圓
門對秋林香處開過墻一樹晚累累情知愛客能分餉
未遣青猿上樹來
奉橘百枚王逸少遺柑三寸李龍眠名士園中古如此
不應只換買山錢

朱子葆隱君留話山樓

石徑秋蕭澹砮聲水一方清門留五畝賜帙剩連牀結
客貧初散憂時醉不忘夜分餘興在看月上松廊

海上逢表弟錢尋千同西野灑岳對酒有懷故友
城隅布席近垂楊海氣秋澄入草堂
泐錦分明木華賦

銜煙何限校書莊涼飛遠岸楓千葉聲過踈鐙雁幾行
相見只應沉醉好十年往事已茫茫

贈瀟岳

去年瀟岳初見訪雪屋尚記挑鐙夕論文真欲小時輩
投我詩篇好風格今年上巳觴羣公我搖一鞭江以北
瀟岳不以遠相踈渭樹江雲愁歷歷嗟哉子詩氣如春
定是跌蕩青雲人有才不合長閉關縱覽直須空兩間
曾羅萬卷足萬里著述始可藏名山君不見絕代紅妝
出村野未入吳宮無聘者王孫詎是垂釣手蹴躡淮陰
市中走物色何曾在鄉里古來美人名將皆如此

華亭道上懷吳六益計子山高二鮑陳山農暨表

伯錢武子

九峰蒼翠暮煙銷此日同游未可招正有鱸魚寒出網
曾無烏鵲歲填橋萬安橋屢築不就丁年泛宅東西路泖水攔

船下上潮裘馬故人雲壑侶一時都付夢迢迢

樹根羅漢筆格歌

冶金琢石吁可怪十八尊者羅精藍我得其一非人工
祇樹蟠錯根鬢鬢自頂至足寸逕五袈裟箕踞神清憨
此老不合在塵土文人慧業追隨堪鼠鬚脫帽落棊几
粲花妙理從君參又聞象教斷文字倚擱未許毫仍含
李子賣文兼佞佛携汝沅口還江南貧家珊瑚買無力
况乃樸質性所耽剗除俗物遣白髮伴汝日夕惟兩三

楞嚴一卷一團蒲更待花開優鉢曇

前題用遠士韻

楚南諸峰與天接但有日月穿楓杉吟肩入雲雲下走
絕頂一杖無與成仙靈好奇乃似我幻出怪樹青紅巖
寶山玲瓏戒盡取廉者不畏天龍監槎柯進土忽入手
絕肖尊者疑雕劖便可伴我五色筆柞氏歛容敢刊芟
世人見相即是相欲蒙以漆金鑄衫君謨前身是僧否
借筆作偈詞嶽嵌何不寫貝葉贈之行製錦囊同一絨
君或宣語客大索督郵五斗今君啣

徐詹山以亂解山陽令歸贈以詩

三年夢繞絃歌地昨歲烽傳子午關左次君方寬將帥

歸與臣自有家山諸公凝碧詩無恙一笑柴桑菊自刪
亂日方知廉吏好輕裝曾趁鐵衣還

過震澤懷同岑子

澤國秋無滓扁舟月四經雲遮半嶺黛霜剩一林青雁
外分吳楚鷗邊入杳冥幽棲有支遁遙憶橘閒亭

褚子見招舟飲泊先文林墓門之西

背寺涇流幾曲穿主人挈榼午移船棋聲林葉深紅岸
帘影江村小雪天敢惜笑歌身荷錨只看清白墓無田
酒闌譙鼓聞三下不負松梢片月圓

寄俞丈右吉

讀書二十已四十始信陳言欲去難解事即□今日少

如公真作古人看山靈送屐移仙舟右吉歸自嵩山野史開亭
對藥欄抵掌論文吾敢後只愁髯叟笑郊寒

寄木文江右

珠簾西捲憶滕王殷地軍聲葉再霜慷慨涉江書久斷
平安報汝雁能將偶然班管隨仙令何日青鞵別戰場
嘆息射書人袖手嶺梅洲筍路茫茫

送懸崖和尚主席古南禪院

香林十二半東南花雨浮杯此地堪往日師曾留好句
重來我不爲幽探娑羅有意栽鄉樹釵釧無聲到古菴
欲問樗翁舊消息竹風當戶月窺潭

題蓼園族祖南北游草

詩卷非無託茫茫看陸沉大江南北路五畝歲時心諫
草還山秘芒鞋憶荔深手刪將半篋遺事不堪吟

吳孟舉以宋詩選刻并所作種菜詩見貽走筆奉

東

向來榛棘滿詞場兩宋詩隨宋牖亡天遣藏書歸作者
手披殘蠹走光芒三年貴紙矜坊本一夕封題到草堂
豎子不知高調苦紛紛范陸與蘇黃

輕裝入洛五侯知却憶家山種菜時南北東西才有數
江湖止壑爾兼之平臯葉靜書連屋暗水春香墨攪池
咫尺語兒亭畔月何由繫艇綠楊絲

和孟舉種菜詩五和得十章

禾金山房集卷五
遠游歸識故山尊
甲坼春泥手自捫
解得英雄消遣法
偶然數畝落吳根

水際沙邊圃勢斜
倩童刪葉婢挑芽
就中或有君臣藥
好配青門子母瓜

共嘆年時荆棘尊
西疇嘉種不堪捫
那能袖手看蕪穢
正要長鑿劖亂根

草玄亭外綠陰斜
不數萼絲與蕨芽
擲未定箋名物志
肯將萼菰喚爲瓜

官厨珍膳宰夫尊
炙冷盃殘任客捫
留得田家香味在
從他野衲笑塵根

耦耕鄰叟閒分種
解事園丁報剪芽
雪白吳鹽薑作糝
也勝沉李與浮瓜

林泉朝市果誰尊
蔬譜排籤取次捫
偶向東湖粗曉月
持書使者到山根

數畝平分一陌斜
雨痕纔過子生芽
菘前韭後渾閒却
更理秋棚絡晚瓜

摒擋春盤雪夜尊
青絲知有玉纖捫
編籬憶課山中樹
長夏人肩只四根

春風老屋午煙斜
共煮唯應玉版芽
他日叩門容納履
主人耨菜不耨瓜

哭劉蒲菴吏部

一刺投公記戊申
筆牀茶竈帝城春
正于瓦釜爭鳴日

故愛驪黃以外人別去敢希知己再重逢始嘆罷官真
何期惡夢朝來驗淚灑江花二月津

早年籌世狎豪雄託志寧教燕雀同曾用俠聞淮楚地
偶將身隱市朝中茂弘扇底京塵濶元亮花前酒盞空
忽著田衣喧穉子里門爭識未衰翁

清時今僕幾人間何似高雲澹往還讀史風流七頌語
先生有七頌詩載集中即以名堂據琴心事百泉山更無俗物妨綈几

祇著名花與翠鬢罷官以來手植牡丹芍藥盈圃侍姬並妙琴詩聞者羨公公

自惜惜將此境了朱顏

自來佳話滿江鄉吟榻游船射獵場命續三農閒負郭

眞命田劉士名一藝許升堂絲留往日平原繡瓣藝新

阡正字香夢裏欲尋談笑去八公山外水蒼涼

令子才名已上都白頭羣從理荒蕪去年穎尾眠鷗岸

留我鶯邊貰酒壚佳圃十三妍水竹故人風雅話張蘇

孟深懋存辛夸芍藥今堪敬猶記催詩燭釵無

何緣忽證宰官身笑指沾泥古寺門示疾只如僧入定

御風那用塵招魂先生借懋存過龍興寺談禪越二日示疾端坐而逝懋存夢先生吟一絕

沾泥御風並指夢中句也屏紗月弔新桐屋鏡具人悲宿草村可待

山陽聞笛罷鴿原一紙不堪論幼功明府有哭弟詩

清明後二日集褚子齋分得元韻

山堂插柳土風存流水斜陽客到門已過清明來燕子

再生圭臬見龍孫嚴示恭出畫竹江干冶綠商游舸花候春衫

和金山房集卷五
二
慣酒痕須富貴時吾老矣相逢愁殺落紅邨

嚴示恭墨竹得古法別予歸海上贈以詩

書三詩一君何媿文洋州自稱有四絕詩一楚詞二書三畫四對客偏誇墨

竹新偶踏落花溪上路相逢破寺水邊春江南鈎鎖非

能事協律嬋娟欲亂真埽徧吳綾獨歸去畫中高節見

斯人

同宿孚立臣泊松陵作

共載鐙前雨朝來畧見星烟生纔八坼帆過已三亭掠

岸長波白當杯遠嶼青江田蕪廢後農唱不堪聽

寄延安譚郡丞舟石時見寄延綏新志

榆溪古塞今延綏杳矣秦漢開疆時韓公三城安在哉

夏人久與中原岐明家失守套患作後有吉囊前火節

銀川驛子睨神器兩狼夾道非人為乘城將士殊皆裂

夜半束炬千夫縋呼聲徹天天不聞睢陽以來無此奇

平生亦解說形勝遠踏朔雪攀南枝欲觀三秦用武處

更就有識談興衰延安司馬好男兒如海不可測以蠶

殿間草制芒干霄出典邊徼誰云宜一朝幡然別丹闕

童騎萬竹迎兩麾使君勸農農粟朽徃者板屋晨無炊

向來亭障風蕭然只今里巷相從嬉昨聞平涼飛羽急

烽傳白晝懸衫旗入參軍謠出輪輓郡公斂衽君當之

又聞采風上紅硤雙佻挾書左右隨口詢父老手磨碑

下筆曾不遺銖鎔史才作吏吏亦得殊勝刺促官京師

野夫三年車脫軸一鞭沙漠何由馳感君遠寄所撰志
忽如抵掌天西陲吾儕著述不草草要今後世無然疑
朝來想見君須麋廣武一嘆英雄姿世賞阮公以文詞
君但捉筆和此詩

黃原明書屋以貧售其半自寫半壁山房圖附以

二詩輒繼來韻

書帶蒙茸不辨溝下簾避俗已三秋鄰墻亞樹平分綠
池雨侵堦窄稱舟合種薔薇遮魯望祗堪蝴蝶夢莊周
青苔手澤還知否何不聯圖紀昔游

靜綠當窓壓數枝相逢還憶舊題詩黃痴粉本無人識
白傅紅藤鎮日隨燕語梁間猶認主客來花圃忽分岐

一椽未逐桑田改即此風光爾獨私

予舊有晚坐麗農山房一絕句靜綠

當窓壓數枝花間疊石薔參差近
或亦有煙霞色點染春風屬大癡

姑蘇柳枝詞

金昌亭畔綠初勻畫檻橫斜別是春忽卷東風遮不住
倚船人見倚樓人

土軟沙晴馬足遙短長亭下短長條一年到此一回折
認取鶯邊舊板橋

三月春光取次殘子規聲裏度朱欄鞦韆卸了花如雪
縱有青青不耐看

月裏橫吹折又生銙前垂手拂還輕柘枝不比柳枝舞
竹枝何似柳枝聲

西峰白水菴逢陳允大

不問南宗與北宗重來一笑認雲松僧留茗坐香清絕
客到蕭齋屐故逢鄰井汲喧涼似雨古墻低見綠當筇
看山未了春前思側帽藤花過兩峰

紫薇東山公讌

棊聲仙院落丹梯勝侶相邀徑不迷最好屐除前齒上
何妨墨灑數峰題橫空老綠多垂下鄰嶂餘青半在西
留與他年追往跡記曾公讌此山谿

送朱不爲宛水池陽之游兼寄令兄人遠

衫葛輕紈去路賒片帆如雪剪江涯不辭畏日緣何事
果爲尋山便可誇秋浦花開思杜牧宛陵詩好問梅家

連船伯氏吾良友遲爾同歸夜鬪茶

人遠有歸日
過吾里之約

次友人移居韻

深山不在遠背市即幽居未與書爲耦君先我種蔬浮
生託水竹間事譜禽魚恰喜承塵換新翎燕對梳

閱表叔半完翁南湖觀競渡詩有寄

水旗只合弔湘中多事吳兒學楚童觀者傾城喧刺史
偶然一舫著詩翁樓經劫火浮沙白鏡有新藻拂柁紅
五月陂塘良不惡輸君來往麥秋風

石佛菴晚軒納涼示定公

屋後清涼石可憑古墻今有到天藤每于銷夏繙經處
想見開山種竹僧綠字鈎摹先澤在青蓮藏弄劫灰曾

先博士公青蓮館集向藏菴佛香幡影生前事五十真
中又手題堂額定公重新之
來禮夜鐙

送左羽謁選

夏水浮天六月好孝廉船掛大江帆正逢四出需才檄
笑脫三吳從事衫橋柱有題留墨藩驛樓遮暑就青杉
壯游肯憶柴門否書寄秋鴻次第銜

述旱

夏早已太甚秋陽更燒峽田家正作苦一水萬車夾五
日艱晨炊河流如線狹十日水無聲典質盡畚鍤長年
愁耳聾魚穴聚惶呶大魚飛騰姿近者指可指雨師方
掉頭數癸更至甲下看焦土圻仰視火雲壓上田不足

論漸見苦茗雪青青南東畝何能望春畝老農走相訴
長吏下急劄宰割有嚴程羊豕及鵝鴨俗偷良已久民
豈知奉法府胥橫索錢此事殊近狎築臺何盤盤告虔
視郊禘世無束廣微感召理難洽何曾堯湯年怪錄閃
硃押筭緡爾何爲利口爭喋喋魯焚巫尫軀漢烹弘羊
胛只今多徵輸大艦貯戎韜又聞軍中需門數垂楊插
廟堂切宵旰生意恐漸乏伏莽既有徵如虎兕在柙耕
苦壟上輟血畏田間畝野夫結茆處容鄰甫恰恰清簞
逼踈簾左右雜筐篋解渴笑蹄泔流汗但揮箠憂時自
有人幸不到巾袷山妻差解事蔬味落吾筴安得展桃
笙好雨聽浙霎

雨中尋不爲

斜陽漠漠水穿田急雨難招渡口船我自墊巾楓葉底
主人初飯菊花前蕭疎野色歸茅屋冷澹秋情過壯年
仗爾村醪雪色椀暫拋心事穩高眠

題聲山仗劍圖

邊草如秧飼名馬吳鉤笑拂珊瑚靶劍一人敵不足學
軍裝貂帕何爲者君不聞南華秋水遺世情當其說劍
殊縱橫張公草書原絕倫觀舞劍器方入神圖中之人
可語此三尺橫行非偶爾又不聞漢家英雄若好女開
元詩翁乃餓虎身在書生壯士間俗眼茫茫那識汝

同湘公過淨慈寺歸值小雨

乍涼節序聽潺湲携手湖南煙樹間無礙寺門來暮雨
蚤牽船尾著秋山僧厨分淥雙瓢飲林葉將紅九月顏
自是湘公愛棲泊滿城燈上不知還

題畫

雲去秋林一逕開鳥翎花片點蒼苔城中日出人爭入
只有青山少客來

上元後一日吳澹思過

橫簫絡鼓正黃昏避客思從靜者論元夕春生鐙有市
故人船到月當門重重往恨歸禪悅一一蕭齋記墨痕
廿載不來花笑汝酒帘閒殺舊游村

春夜作

晚雲吹落暮天涯
露冷柴門客鬪茶
一樹垂楊二分月
閒情輸與夜棲鴉

集葉九來半繭園看梅

名園依郭淨春埃
地主今稱未易才
水部種餘梅幾樹
支硎飛後鶴雙來
橋橫斷石紆僧杖
簾捲佳山在酒杯
却笑浣花岑寂甚
蓬門不爲客頻開

馬殿聞編修席上
出河豚餉客予
與吳志伊萬貞

一皆不食陳其年
以長句見嘲聞而附和者
吳修齡葉九來陸集生諸公
意多袒陳走筆戲答
西施一往難再得
專諸亡來魚可煮
未聞魚腹抵佳人
東南盛說西施乳
吳都賦後易名久
喚作鮓鮓即儻父

駝峰瑤柱且勿道
黧額臬羹誰比數
宰夫戒熟先障塵
不爾啗者色如土
鹿城太史開春筵
酒半腴鮮纔出釜
霜刀細剖晶盤高
一脂二納須認取
滿堂下食若爭道
謾謾盆槃響風雨
鄙人堅坐拱手讓
隔鐙吳萬真儔侶
諸公不敗適天幸
計出萬全乃吾與
就中酷嗜髯公陳
得隴望蜀久延佇
當其恣意旁無人
斂箸却復相嘲詡
手無千金戒垂堂
因噎廢食予則腐
江東有我也須卿
底爲羹材以身許
耒陽牛炙送詩叟
文成馬肝笑仙俎
從來一擲等鴻毛
漫謂輕生即豪舉
神方解厄本草缺
倘有潔癖愁殺汝
萬子欲廢東坡篇
吳子還師養生主
亦知此地監厨良
直爲髯公作危語
旁言拉雜將何論

禮劉者生莫禮呂口腹累人非一事我有誠詞其利溥
太史見此必大噱留備採風箋食譜

虞山上已後一日健菴宮坊菌次太守莘田侍御
其年志伊西銘斧季石谷同集曾王述古堂賦

贈

篔簹葉底衡門見芍藥欄前壘石真未肯便歸修禊舫
却來重對擁書人絳雲家帙箋初就白首名山興轉新
四美二難珍此聚不緣留醉甕頭春

題三友園壁

園在馬鞍山下季重九來扶風所築

城市山林此地真花時不速有三人未分南北中央宅
占斷清明上巳春兩水夾窓書可鑒一峰當几畫難皴

潯陽社隱風流在合置僧坊與結鄰

雪灘釣叟歌爲顧丈茂倫作

葦間延綠吾所師潯陽棹者非凡姿雪灘釣叟豈其亞
姓名蚤被時人知先生舊不事生產讀書樹根破萬卷
土墼荒涼菽花竹鄰里驚呼車轍滿此門一杜何當開
笑指笠澤浮吾杯連峰如銀七十二要看雪盡春風來
絲掛珊瑚不設餌命寫斯圖聊戲耳網鯁撈蝦瑣瑣人
公若逃名勿圖此君不見占星夢獵聲名馳照耀史冊
千年垂樵青漁童載兩頭詔遣下取新歌詞筆牀茶竈
往來熟故人又欲官天隨從來此事遭物色黃金尺書
來有時長安已築招隱館肯放此老津梁疲武陵桃花

今不迷休歌河水清漣兮縱不相逢賈太尉定應愁載
庾安西

清明

士女趁農閑清明踏芳草風俗自古然亦驗歲時好我
歸春已半撫事一歎嗟滿邨桃李色不見隔衫花

游女競繡花衣袂襲以紗
穀單衫掩映俗呼隔衫花

竹枝詞送幹夫采藥洞庭

候風吳女晚秋槎野飯僧家更酒家小翠殘紅閒送客
郎尋藥草不尋花

釣罷鱸魚四十九行攀七十二雲松袂衣飄入橘香去
一日長鏡過一峰

趙天羽農部見招偕邵得愚亦同分虎湖舫看月
欸乃宜今夕湖風到客邊司農閒載酒明月恰隨船僧
舍新楊柳漁燈舊葑田無端聽絲竹金粉話當年
煙外萍迴合風前鶴渺茫留亭分翠靄占水失紅香未
怪稀游舫差憐背戰場清輝橋十二夢亦戀滄浪

題不爲小影

脫略巾衫得野情縱非洗馬也神清人間荆棘難容汝
合向詞場酒社行

題虎侯行脚小影

纔著僧裝便自由江南煙月鉢囊收輕奩小研無多事
贏得山童也愛游

徐立齋先生園居落成屢招讌賞賦得四首

天與為園處林光帶翠微平添新嬾架暫卷舊朝衣檻

轉紅侵竹池明淥漾扉流鶯翻怪客每到只如歸

高柯雲束斷此樹此鄉孤園有十圍老樹二百年物呵護留相待倉

皇買定無子瞻詩倉皇求買萬金無經霜皴古鏽障日抵冰壺何計

酬佳蔭輕茵坐據梧

非閣非亭子風簾捲更開城陰千堞小屋頂半峰來奕

靜涼生簟杯闌月過苔欲知人別候長定曉鐘催

選石玲瓏疊層巖看逼真楓晴天姥扇花散輞川人待

制商家集藏書話比鄰謂健菴果亭兩先生也平泉休蚤計回首

帝鄉春

題徐崧之跌坐圖

軍持無浪塵無風塵外蕭然獨此翁往日論詩徐孝穆

却來跌坐妙香中

墻東研北酒鐙前彈指逢君二十年著述未關身後事

祇應長策是逃禪

張皜亭招集涉園

孝廉松下藏書地給事花時選勝場自是禾中好山水

平臨天際遠蒼茫踈籬菴畫非恒徑靜綠陰斜每過墻

地主只今仍好事能今步履愛登堂

六月林亭好避炎叩門纔過雨纖纖蓮東珠濺時翻鶴

研北風生盡捲簾正有故人燈影共謂中何當良夜酒

籌拈郎宮雅意投車轄坐看清輝到畫簷

酬別曹中峽

齋如畫舫拂紅蕖小研名香得靜居舊雨三年勞夢寐
新吟七字比瓊琚平生了不求聞達此別那能賦子虛
輸與故人高臥穩綠陰間覆一牀書

秋錦山房集卷五終

男潮偕謹編

秋錦山房集卷六

古今體詩

共九十二首

應

召北上晚泊京口堯夫乘風便先發賦此

臨流古戍遠當星烏榜參差入杳冥識路不妨吾後涉
乘風輸與客揚舲僧燈北固雙檣照汐響南江獨夜聽
此泊山靈應見許了無癡夢到金庭

紅花埠馬上

江北荒涼盡朝來換土風雞場踈雨後馬影亂流中棗
熟紅垂店榆稠綠到空生涯輸魯叟真作灌園翁

初抵都下吳蓮洋乘月至

朱門爛醉不歸去騎馬來時秋月新直得鐙前同一笑

十年萬里夢中人

子聽吳歛我北船家山交臂惜無緣

蓮洋是歲曾游吳中

怪來定

準相逢地只在燕姬酒肆邊

尚書王公招同嚴蓀友朱錫鬯徐勝力宴集即次

尚書見贈韻

嘉招開鶴徑秋色杖藜前卜晝來韋曲清談續晉年偃
松當塵翠名菊近杯妍一聽陽春句渾忘十月天

次韻勝力竹林寺看菊

鳳城微雨浣秋塵古寺殘陽近小春不見汝篁移植處
翻成栗里對花人鵝兒官酒流杯似鹿女軍持摘露新
忽憶家山諸飲伴五湖鱸雀話輕茵

惱勝力不果西山之游

紅土鞭絲入帝鄉七年前事憶僧牀吟邊酒醒鐘魚答
夢裏風來花藥香更擬一旬筇竹去還尋三笑虎溪傍
故人浪說煙霞癖不爲青山共裹糧

大司馬王公招飲怡園同陸翼王毛大可鄧孝威

陳其年田髯淵朱錫鬯周起莘分賦

天下治象視皇都長安治象視中樞宛平司馬匡時需
佐聖撫物如覆盂昨者羣醜鳴梟狐廟堂制勝偉以訐
再拜九伐陳昌謨嚴君宗伯七十踰履聲早謝容臺趨
懸崖疊嶂性所愉紅藤石路嗟崎嶇司馬養志生躊躇
午夜視牒方勤劬不暇手闢地一區比來捷書驟康衢

降王纍纍逆者俘行見次第收邊隅南平甌越西巴巫
虎皮苞此戈與及下朝始勅平頭奴便遣柞氏芟荒蕪
良材中伐山靈輸巨石似有五丁驅爲園好手來三吳
指揮整暇走萬夫天機自發非規模鳩工五月渾須臾
眼中位置一一殊繚以周垣屏塵洿取徑蜿蜒折何旋紆
坡陀有脚山有嶠三峰娟妙如名姝玉環飛燕勻豐癯
又如好手作畫圖米顛黃癡雜倪迂理絕粉本誰瑕瑜
其下有壑環冰鋪園官笑指沙痕枯明年好雨浮菰蒲
渚可浴鷺汀眠鳧絕勝賀老乞鑑湖花邊古井盤轆轤
坐漑谷口爲春腴橐駝種植各沾濡落花香撲青絲絢
韋松何禮蕭桃株杜陵苦覓何爲乎古藤簇架垂流蘇

佳蔭不數高崗梧珍禽來避金僕姑時聞踏葉穿鼯鼯
想當夏日涼侵膚檐楹相差勢不孤房櫳粲比春葩敷
碧紗籠煙界珊瑚押以銀蒜簾以珠直取妍淨刪懸蛛
別有拾級凌杉榆欄楯百尺空中朱拄笏朝翠霑鬚鬚
復見鳩鵲飛曾觚去天尺五語不誣宗伯顧此大歡娛
家庭暇日鳳將雛筆牀書卷紅璣瑜名香班班斲鷓鴣
窪尊可飲坐可趺相携登眺猶坦途底須銀鹿青猿扶
有時九老香山俱何異閭苑臨方壺恭承折柬招吾徒
楓根晝縮雙白駒喜無禮法相牽拘流覽不覺西日徂
因之轉嘆時人愚朱門鼙鼓喧繩抹經營但爲千金軀
園成借問何所儲滿堂狎客羅笙竽笑看楚舞聽吳歎

亦有烹鮮命中厨五侯鯖壓金城酥快意一勺萬青蚨
甚者列屋妍衾裯蛾眉守厠垂華襦凡此皆足供揶揄
司馬養志天下無事本忠孝見大儒平泉韋曲輕錙銖
在陰鳴鶴干霄呼反哺欲下空庭烏昇平於此窺貞符
天河下注洗萑苻入嚴溫清出都俞對揚垂拱歡無虞
豈止門第誇崔盧客既醉止羨且吁漏下三刻來金吾
更爲名園立斯須我歌此章非獻諛

送宋牧仲比部權關虔州

雙流襟帶古津梁此去何如漢署傍越鳥翠移平楚樹
嶺梅紅趁下江航相門爲政輕泉穀名士持籌異孔桑
想得關亭公事了閒拋手板聽滄浪

直水輕裝入畫圖江春銷雪長新蒲霞邊鷺去憐才子
煙際鬟青認小姑艫尾定添收戰後商緡得似往年無
不妨平準裁書罷好句重鐫上鬱孤

東家明府叱瞻

京雒論文地欣逢澹宕人宦情閒五柳詩格勁三秦門
掩市朝路藥香風雪晨相思久相隔吾嬾是天真
海內徵車集秦中故舊多

謂豹人山
史天生

希聲隔河華明

詔起煙蘿柳市搖鞭去香林載酒過同人興不淺蠟屐

候春莎

山史寓僧舍
有載酒之約

送黃俞邵徵君聞母喪還白下

言君蕭寺朔風悲入塞愁雲故故垂幾夜夢驚身負米

一時淚落手縫絲情多黃閣兼金賻益都相國賜斷宣城五

字詩施愚山不媿半生稱色養鄉書纔到骨難支

衡門憶接紫宸章猿鶴驚呼吏趣裝慈母定知寬孝子

徵車原自戀高堂隱同縣上文焉用詩補南陔願已妨

無限絕裾親好在天何摧折到黃香

郵籤辛苦雁飛程歲晚何堪急棹行應詔豈緣邀薄祿

讀書真欲悔浮名天低朔雪飛相送風壓黃河咽有聲

從此秣陵城下路雕胡慈筍不須生

答路蒼霖

水紋箋寄歲闌詩細把重吟有所思心逐煙江春挂席

夢尋香路雪橫枝一杯坐待聽鶯候雙履行呼采藥時

詞賦上林君莫問魚經桑譜是吾師來句有詞賦上林之獎

孫茂叔枉詩兼餉酒餌病起走筆

藥爐相對別經旬取次流年客裏新瓶榼遠分殘臘候

緘詩真慰倦游人明朝卷畫防寒具此夜看花有凍春

更擬異書窺帳底東風愁絕馬蹄塵

憶西山舊游示茂叔

退翁亭子枕山椒游事微茫記石橋杏底覓帘過野肆

松間聞磬得僧寮舊曾墨濺丹屏濕遠媿盟寒翠壑招

寄語與公作賦手三藩合向此中銷

投贈相國馮公

維山能出雲維嶽山之長岱宗青一氣齊魯挹森爽扶

與久磅礴其勢必騰上膚寸豈無心少焉蔭霄壤神龍
飛其中五色射參兩偉哉沛時雨卷舒愜所仰

泱泱大國風延陵語如昨到今數千年規模轉宏擴煌
煌益都公厚力返浮薄身與休明會青冥奮雕鸞治人
法所係根本在黃閣端坐調陰陽拜手箭韶作

致君勲華上車書朔南暨或不知漢大狡焉當盛世碩
畫贊深嚴中或及兵事廟謨外不聞功已在匡濟威弧
一張弦歷歷枉矢墜朝廷大有人豈獨資將帥

涓涓發王屋濟上爲名泉舉世所歸逞天必開其先四
詰和堦筮藝圃爭流傳宗伯典謨手國史垂鴻篇相公
掇其醇作障迴狂川 聖人方右文相與陶英賢

題閣學湘北先生編年詩卷後

生才竄如林於世必有冠傳人多廟廊正壑不能半五
音宮商殊四始風雅判夫惟達者門標的樹寓縣一紙
落人間天下視正變學士起吾宗堂堂出淮甸六經所
駢羅百氏所結撰糟粕悉吐棄菁英乃靜澗心縈錦千
絲腕走珠一串會逢休明時 宸章邁貞觀緩步攀雲
間給札領羣彥隸事筆見抽讐經席屢薦鷗舉謝啁晰
芝靈壓蒿菽亭午飛蓋息青山愜歡宴振衣飛翠中後
猊磨大硯句如天女花墨灑霞屏徧好事劇傳寫後游
惟嘆羨平頭捧出篋客子手再盥清如操紫瓊芬若對
香傳酸寒笑瓦缶組織啗繡段永懷百年來詞場久蕪

湏豈無截水刃易此甌布爛所嗜或多岐寶玉雜真贗
六朝迄唐初大雅危一綫當時李與杜其氣可百戰驛
騮自穩步卻視萬馬殿誦詩思其人安得眼中見立言
關運會風格兆理亂時平律雍容志得語豐衍三復編
年詩低徊有餘戀他日想熙朝論世在斯卷

雷琴詩爲張晴峰戶部作

古琴同材不同製未著朱絃先辨器紙前指後參微茫
漆走蛇紋亂真偽貞元好手不可作紛紛拙匠矜高藝
張公嗜古尤嗜琴忽向風塵詫奇異上刻宣和小篆文
下書斲者蜀雷會枯桐無言俗眼惑解人逢之笑相視
携歸几案生輝光明日題詩傳好事吁嗟是物已千霜

什百何由存一二逞時錢塘一片冰寶惜不啻千瓊瑛
樊川自署晉陵子尚憶大曆三年銘門生遠致消井布
歐家囊中亦有名弓衣摩抄歎雙絕宛若繡被遮傾城
此皆雷氏手親斲兩公去後嗟飄零公今得此良不易
物聚所好誰能爭何時焚香坐松聲猶能爲公作蠲行
毋令俗客坐操纒三分攔入琵琶箏

送陳六謙之官安邑

海昌陳子好家乘瀟灑不自矜門第偶然筮仕得三晉
古之幕僚維尹貳君才不合丐微祿江東裘屐無此例
人豈一官能重輕利器何妨小鮮試絕勝支離守鄉土
句囊棊局老閒事尚憐五合玉蟾蜍書水一埽空時輩

銀鈎不草征西檄急就何當散胥吏土風幸以淳朴稱
中條積翠環峻嶒野無伏莽歲屢登蒲萄之筍酒如澠
醉墨試灑剡谿藤持之入市價頓增君不見二松但說
崔斯立久矣人間無此丞

飲施愚山觀察寓齋同汪喬諸公

文人相輕但筆墨古道如鼎誰能扛宛陵讀書見根本
平生愛才今少雙雪車冰柱常掛口更招坐月吟軒牕

茗香几淨北風止眼中作者聯鄉邦堯峰

鈍翁

語決崑崙

渠喬

石注

舟側

注翻淮江

微言瑣瑣

蛟與鹿

飲次偶

中

有妙詣歸淳龐枯腸正作督井渴霍若幻滴澆塵鬢滿

浮大白錯認水

羅酒名

印泥再拆

春前缸

參橫

漸催

烏鵲

起半醉忽聽僧鐘撞長安冠蓋喧九陌入垂金魚出塵
幢未耐野服折旋走羈心苦憶東歸艤萬事何如對知
已一夕竟使千愁降已拌欸段屢相過故將短製酬寒
缸

大司寇宋公席上賦呈

廣平雅望紫霄懸折節風流世共傳兩度塵衫來杜曲
一時珠履接郇筵即看春色江梅近欲奏清吟郢雪邊
不是佳期耽屢顧尚書愛客自年年

憶昨臺霜拂錦茵朝陽威羽徹秋旻本朝袞職元無闕
薄海民勞豈易陳此日封章持大體異時國史見名臣
匡扶努力羣公在行使鯨鯢萬里馴

呈高陽相國李公五十韻

樞極觀成日要荒待靖時對揚當景運密勿領台司碧
漢羣騫翥丹止獨羽儀桓圭原世秉鈞軸紀前持戟傍
高門續牀看賜帙貽僊根蟠赤縣佳夢得蒼枝卓越東
西陝飛騰五百期巖登天賚弼渭載聖開基翼燕謨方
定猶龍譽不疑惹香朝以入調燭夜何其衆正升無黨
淡巖出每遲仔肩今上切啓沃兩朝知聳拔凌煙
室蒼茫浴日池政惟規遠大身即係安危比歲纏邊祲
中原有戰麾欃槍芒未落藩鎮警相隨廟算延金鑑公
忠瘁玉墀兩堦干戚舞四出羽林旗道大嫺籌畧謀深
裕撫綏殊方消犄角次第慰瘡痍致治仍三策經邦豈

六師何參翻後矣房杜倘兼之當代儒初震維皇位
正離石渠籤甲乙芸局簡紛披作睹欣鴻漸尊經續鳳
衰神巖津已逮宛委穴曾窺學海鯨鯢製詞源瀑練垂
元和芟綺麗天寶別風詩清廟聲鐘鼓明堂色鼎彝春
華露采擷火齊炯妍媸律細森難犯瀾迴實在茲但追
前哲遠仍許壯夫爲一德奎章映千秋琬琰資觀開原
字虎閣迥尚瞻鳴近詔止園及嚴程郡國移極知人早
樹更嘆野猶遺賤子新闕豹陳編舊測蠹鵲山花不種
羊徑路偏岐敏捷非枚叟口跖類左思團辭纔半甲借
讀奩雙瓶才盡江淹錦心空魏照絲記珠艱合浦歷阪
避波斯桐已嗟琴爨蘭猶待露滋研京淪少作入洛媿

虛馳正及迴陽候來親若木姿青箱緘奕葉華省竝堦
筮中使封傳菊生洲客采芝書潛還脉望霞泛且鷓鴣
禮樂涵濡會升恒頌禱詞永懷陶鑄力弘獎屬無私

和高陽相國除夜入直同曹頌嘉舍人

天語宣清禁分年飲乍停直廬鐙自照籌國鬢仍青詔
發乘槎使人瞻入益星即看尊俎夕制勝在無形
已未元日止酒齋食謝曹頌嘉舍人之招因呈坐

上諸公

辛盤開上日午騎簇閒亭沉水添銀葉生春生春唐就
時酒名
玉餅君懷步兵飲吾愛次公醒近事休相訝行牋陸羽
經

知君念朋好乍脫早朝衫隔幔移香萼開牕得翠巖故
人多蠟屐歸夢獨春帆不共芳辰賞因風報昨緘

楚南

宵看枉矢墜荆門南極弓刀氣漸昏此日幸逃雲夢縛
當時曾擊楚懷孫鸛鷺不放降幡路部曲空悲饗士恩
寄語西征健兒道碧雞金筴尚蜂屯

對雪次施愚山觀察韻

青門飛雪入新年密灑春沙靜晚煙漑麥便應同好雨
煑茶差可當名泉興來客憶清溪曲夢去花寒舊宅邊
正埽菜畦聞郢調歸心一夕寄吳牋原作有野橋驢
背幾人歸之句

花朝前一日曹玉淵主事齋讌集分韻

論交河朔得歸遲忽見垂楊感鬢絲白袷青衫春已半
食單茶竈午相期風停上苑催花候草綠東京撲蝶時
輞水詞人無此盛祇傳裴迪與此爲

城南韋曲坐來深卜晝仍邀月一襟拾級齋前通野望

開簾屋頂見春林王家斷酒新裝帖金谷裁詩早倦吟

抱膝翻悲十年事丁香曾折帽簷簪是日以病絕飲憶
歲在己酉曾譙此

齋十
年矣

送陳康侯赴常州幕

處士星隨太守章何如草檄楚雲鄉前年歸
自楚元瑜未必

才方駕許汜從教臥下牀上已短亭人喚酒春申南浦

燕捎檣平生好事還能否水味須尋第二嘗

愁聞櫪馬夜分喧草色平明上短轅名士休嗟長道路

客游轉喜近田園蘭陵此去三千里花信纔過十二番

擬棹歸船尋握手東風取次柳絲翻

健松齋詩贈方太史渭仁

遂安兩遭兵燹太史秋
琴閣所藏乾道古鏡亦

被燼獨一松僅存亂後
重葺以健松名其齋

禁苑裁詩二月天鄉心獨繫五釵邊黃巾不爨顏垂樹

白鶴能知手種年古鏡煙銷悲劫後秋琴風定撫花前

慈仁大有金元植莫爲家山便惘然

送葉道子守備清淵

戎符新縮去青門戊巳遙承紫苑恩驛路風柔吹漸暖

營田春早事須論異時露布題安遠暇日投壺識弟孫

細柳障泥三月雨清淵應長綠蕪痕

先是齊魯間苦旱

聞王阮亭侍讀極賞曹玉淵淶水送春帆句賦一

絕

吟殘五字憶江津柳外風帆葉葉春可惜流傳滿都下
不留此句贈歸人

送翁武原之官黃州別駕

黃綬分符遠驪歌惜別深裝惟書壓乘路有鶴隨琴風
岸吹紅雨煙邨過綠陰王程春事好次第入清吟

楚中方用武佐郡喜能偏析靜旌旗外花明雉堞前秋
香隨野澗山翠抱亭圓臥治應懷古顧公蹟尚傳

蝸廬小樓篇

蝸廬者明御史樂安成公所居樓其名公自題也公三任司李以治行第一聞為良吏擢御史會武陵相奪情公力諫被逮為直臣甲申隱崑崙久之歸樂安築小樓終老為完人嗚呼殆古所謂懷忠履義以沒齒者耶康熙戊午子來京師今御史愚崑先生即公之賢亂述其先德以告卿大夫及應詔之士皆為詩以紀良季曰蝸廬者公所終也至是而公一生進退之義畢矣作蝸廬小樓篇

蝸廬小樓在何鄉國表東海風泱泱邨有苗裔家其傍
挺生哲人為鸞鳳早年釋褐趨明光出司郡讞珥辟藏
坐清緒墨消桁楊大吏曰茲允且詳召對筆札給尚方
天顏一笑羣稱良然藜秘室公所當忌者抑之南曹郎
是時眾正方頡頏平臺侍立交掄揚惠文柱後生清霜
政拙民瘼日抗章武陵事類江陵張墨縷師保淪綱常

手批逆鱗爭廟廊詔逮請室無徬徨同時諫者劉倪黃
四君子聲薄雲間一朝國步成倉皇束身遠走崑崙陽
行歌採蕨非佯狂俟河之清敢沉湘但輕一出願則妨
歲題甲子留縹緲十年迴車葺節堂鶴悲城郭燕歸梁
後凋扶踈壓羣芳小樓坐臥一瓣香追蹤五柳願始償
騎箕去後星垂芒行人過此嗟未央雲門百尺巉青蒼
白石齒齒鳴康浪茲樓與之永相望梁木可壞徑可荒
公名卓犖垂無疆

送僧歸堯峰

堯峰多精藍燦若布棊奕昔我游其間信宿意未釋竹
兜轉松梢高下樞影直灌木鳥嚶嚶相喚破蕭寂已公

茅屋好惠老東林僻愛此人境遠有句墨丹壁一鞭指
河朔雲壑想歷歷側聞蓮社長近亦寓京國云從堯峰
來索語贈飛錫依稀接談笑事往不可憶嗟予髮在首
買山思食力有山君不歸無乃操左策花開維摩操草
長善才石龍籜粉初膩雷莢春已坼鳴泉落土墾新綠
覆講席以此問長安佳勝無一得縱饒金錢施未如塵
鞅息我言仍類迂此理達者識何時持鉢返巾瓶棲淨
域請記作詩人重游非生客

贈王昊廬宮詹

正始遺風振承華簡畀專作舟先少海拱極護前躔舊
草留芸局橫經視影磚長兼良史譽衰起國門篇桃李

新陰合琴書暇日便下牀招許汜後舍禮彭宣彪固才
相接楂梨問已傳羣知公望迥自許勝情偏毫髮區名
蹟尋常減俸錢厨緘虎頭畫庫疊繭絲牋箔映紅榴軸
屏遮紫棧煙佳辰修禊後令子曲江旋辛雉臙脂浥丁
香翡翠妍總隨宮尹佩湛露引朝天

題王咸中石塢山房圖卷

石塢陰陰竹徑通讀書聲在澗西東結鄰便占人間勝

萬疊青山一鈍翁

上堯峰前煙黛長下堯峰側柳溪香舊時曾眺歸來閣
鈍翁遙見君家隔水莊
別墅年年送落霞平泉不見日南花芒屨筍笠人蕭澹

猶有漁樵認故家

巾車曲折過松杉野店僧扉共半岩更愛支筇最高

鏡中殘照太湖帆

剝啄稀來只晏眠幾人任達擬前賢司空生壙劉伶鋪
併在梅花屋角邊

游人東塢來西塢遲日南垞轉北垞掛席春江好歸去

翠瓷花乳正新茶

橘譜桑經世外書綠陰支架繞前除一止一壑渾閒事
未肯長輪謝幼輿

小卷簾櫳過雨痕山厨風味正須論雲芽玉版摘初罷
恰有新泉流到門

和金山房集卷六
一四
撲水天桃紅一灣過墻鄰樹綠三間也須摒擋山房外
添箇漁磯對鴨欄

六時間課只尋常講易逃禪與注莊正把殘書思就枕
松風吹子落琴牀

較量百歲笑浮名只有山中路不爭擬竝一椽如妥春
青楊影外白楊生

鷓鴣怨

李子夢聞鷓鴣聲醒而作
詩遂以名篇懷渠正公也

山川何處險乃在西南陲劔鋌互崩崩羊腸自委蛇鷓
鴣一小鳥其聲如有知荒荒雲木暗聽者生嗟咨美人
昔同車攬袂前相持但歌行路難詎識別離時瘴雨方
毒淫一朝限天涯年華同逝水會合未有期平生苦憶

往髣髴夢見之鷓鴣忽告我聲較昔年悲亦知行不得
醒淚如懸絲

鷓鴣飛以南鴻雁飛以北相逢願有違彼固非儔匹冥
冥豈不懷天長來矰弋纏烽蜚煙紫洗兵蠻雨黑鏃羽
戛所甘需時或良策稻梁今滿地秋風掃荆棘江河多
故羣引吭長相憶寄聲擇木心努力當舉色

鷓鴣爾勿悲我怨殊未央王路直如矢何爲隔巖疆下
看江浩浩仰視天蒼蒼颺風橫南來惡木蔽春陽香草
獨無依採折隨路傍終知非故土素意不相忘託跡危
疑間誰能喻中腸皇天感德澤零露迴嚴霜榮悴固有
時毋使根株傷

題喬石林編修桃花流水圖

綠如鴨頭水洄濃青如佛髻堆羣山春光三月太狡獪
桃花一笑非人寰南陽子驥不得到誰能更破蒼苔斑
眼前突兀見圖畫橫排一舸當其間船中之人吾所識
是方束帶趨朝班置身止壑疇云宜何意微服耽躋攀
生客定遭雞犬怪問津或恐僊靈慳 詔書敦迫下幕
府卻携此畫來燕關朔風捲塵作紅霧濛濛不比桃花
殷臥游如君非左計日掛素壁娛蕭閒嗟予小草託泉
石徵才濫及清溪灣近遭放斥不自苦但恐花徑高榛
菅古來用舍非一概君當努力匡時艱上林蒸霞映天
起瀛洲渌淨開容顏舅倩終須隱金馬武陵乃是僊之

頑還君圖畫與君約黑頭何用吟刀環拂衣且後三十
載釣絲方許臨潺湲

題毛會侯明府戴笠垂竿圖

江湖與朝市判若分卯酉仕路方摩肩詎有垂竿手君
種縣門花更折靈和柳進賢冠自好何取笠在首我本
澹蕩人生涯託巖藪偶別鹿麋羣長懷鷗鷺友行刺一
船去姓字脫人口真漁不藉畫畫漁豈漁叟

下第後夢中得谷鳥桃花句醒足成之

旅中風日病夫顏枕簟清時去夢閒白水刺船塵境遠
綠蕪隨屐放歌還空聞谷鳥如求侶且與桃花約住山
西笑原非靜者事荷衣敢望點朝班

次韻留別王阮亭侍讀

心事惟公識春前早辦歸升沉僊厠守出處幻人圍竹
淨憐書幌薰香夢釣磯此行須食力真製水田衣
丘壑從吾尚巖廊自有才猿驚空谷曉鷗狎大江迴早
得觀空法渾忘斫地哀故人吟贈好不比渭城杯

別吳天章

大海本無濶天風使之怒千帆爭一逞中有覆舟慮海
鶴何翩然不喜亦不懼嗟人不如鳥吾欲舍之去磊落
寓浮湛雲也得其趣悠悠彼何知但賞子詩句

揮手名利場笑謝紈袴子我南而君北感愴何能已空
青中條山淨淥五湖水各有白頭親安得去鄉里携鉏

帶殘經下酒讀佳史此樂可長年時流以為恥
古人不可作今人復非古躑躅風塵中擇計亦何取滔
滔者皆是為儒獨辛苦學僊學佛間吾處得其所子歸
養天和萬事力須努聚散等浮雲毋今後期沮

送駱湘雷令蓋平

紅鴛小隊轉晴沙此去陪京道路賒尚憶舊栽隋苑柳
駱舊今翻然遠種錦州花羣峰背郭妨蘆雁岔水平秋
江都照獵車問俗勸農多暇日早書循卓到京華

和葉九來雙鶴絕句

年時伴侶散雲松絕頂高眠認舊蹤紫蓋翻飛看欲盡
移巢今在第三峰

涿淨春波濯晚翎花邊入夢柳邊醒浮止去後誰相識
自有人間相鶴經

凝砂映雪汝何慚著眼紅塵嬾未堪一片閒雲招不下
有人挾彈打蘇耽

鍛羽天風去住非向予傳語似相譏定知不是腰纏者
底旁揚州市上飛

送天生檢討兄歸關中

送別復何惜寧親係此行三辭初拜秩幾日便陳情鶴
徑秦雲遠菰香渭水清九重敦孝治方信一官輕
經濟才難得林止興不忘鳳飛元羽翼豹隱亦文章掌
上論秦蜀吟邊見漢唐籌時諸幕府應就白華僮

高會頻河朔家聲一隴西兄才自霄漢吾拙稱巖棲陶
侃無封鮓茅容有半雞灌園圖畫在回憶數行題

將歸浙西送葉井叔主政還齊安

京華不少倦游人分手匆匆悵馬塵好竹連雲尋楚澤
冷楓遮驛夢吳津曾于二室聞僊吏

葉舊令登封

翻遣三長

後史臣坤軸近傳南紀靜離棕合就故園春

與高二鮑進士論詩有同調之感

燕寢清香就枕遲坐銷殘蠟對論詩早于常侍君偏絕
擬作參軍我未辭淡掃只應粧鏡識獨醒那用酒人知
片帆他日江南路一曲朱絃聽者誰

留別梁玉立先生

籬閣春風白晝閒
烏絲攔紙落人間
金門索米原無意
且喜從公問字還

去年殘雪夜開尊
海內詞人半在門
此後長安何所憶
夢隨花路繞棠邨

董蒼水孝廉先去都門
貽詩見慰予以升沉正當
齊視本無所失何用慰也
次韻却東

玉杯經術在春秋
姓字知君第一儔
自有鍾期賞山水
不妨韓幹繪驂騑
芳蘭此日宜空谷
靜女何心託蹇修
萬事總輸歸計好
滿江秋月待扁舟

大司農真定梁公以詩縑粵葛贈行走筆奉答

炎風吹雨過征輪
扇底塵銷月又新
白雪贈當流火候

黃絲裁稱納涼身
公如諸葛真名士
僕似江淹本恨人
莫惜有儒愁餓死
西南正急輓輸頻

出都下口占

九陌三條少定居
霜天杳杳憶鱸魚
浮名身後原無用
何惜生前不剗除

山中賢母髻如絲
待祿翻教力養遲
多少絕裾非我事
太真原不是凡兒

紅衫十五曲將闌
折柳旗亭喚玉盤
本畏獨醒聊買醉
道傍莫作酒徒看

稽古桓榮未許還
盛名种放合辭山
都人浪有流傳句
想像蹲鴟伏獵間

詞章捆載滿徵車束筍蕭然覆甕餘好語平津真忝竊
幾曾三上閣門書先是御試未有期寶應喬舍人語
矣他日有謂宜造謝者予曰昨高陽公論海內詩家首推子
相國知吾詩孰與使相國知吾守乎聞者以為誑也及
予見黜始信

繡佛長齋計已成懺除文字說無生而今未敢焚詩草

翻恐人疑是不平

太原無恙著黃冠

傅先生

關內陳情去不難

檢討兄

更愛

維揚孫處士

枝蔚陸翁

句裏說辭官

孫被徵以老辭吏部驗之不許被放

後得

未老辭亦不許陸贈詩有增年辭試減辭官之句

荷衣半著朝衫去賦手全歸史局中欲覓江南垂釣侶

蓼花驕殺白鷗叢

挽寸不妨推數尺孤行未可逐羣飛多謝雲霄兩供奉

獨從淘汰賞珠璣

燕許文章日月邊論詩李杜亦齊肩紅顏只愛松筠臥

絕倒襄陽孟浩然

秋錦山房集卷六終

男潮借謹編

秋錦山房集卷七

秋錦山房集卷七

秋錦山房集卷七

古今體詩

共一百廿七首

九日濠梁道中雨

麥壠銷沉驛路長
征衫初換恰重陽
黃花也似居人少
細雨斜風過蝶坊

曉發大關

空邨石徑轉蒼苔
野老門隨虎跡開
曉瀑有聲爭壑去
春山如笑隔松來
青纏鐵壁雙藤古
紅綻僧墻一樹纔
鄉路分明初日底
東風作意捲晴埃

月夜桓練潭

旅色匆匆過清溪
白板橋春煙開水次
野火掠峰腰蹇

鼓喧晴月離鴻隔晚潮時分虎在白下心情吾漸減莫問可憐

宵

正月十六夜雪後皖江夜發不及望九華

春燈皖口未闌刪雪後空江掛席還只有南風不解事

夢中吹過九華山

半銜春月半銷雪冷翠明朝定埽空不信江州孟公子

目成只與北山翁

程致道云江南衆山中望九華特異如褚季野於廣坐識孟萬年

自銅陵至采石磯示張西翰

煙波寥濶思難勝一葉晴窓此際憑荻港紅斜蕭寺角

松莊青界遠峰層江花采石看新發宮錦僊人憶舊登

坐客莫嗟風浪惡忘機自可狎鯤鵬

題鄧元昭觀察古鼎閣

泱泱吳魏交壽春扼其雄淮淝互盤薄名德地所鍾太

史偉風概立朝炳人宗寵命賁節鉞懷歸履淵冲當時

奉遺言第宅留江東迢迢二十舍永念千秋宮前帆采

蘋藻後車載餽饗霜露相回環祀事潔且豐邦人喜公

還太史有餘恫不能依故廬庶幾精誠通庀材堂廡右

饗閣摩穹窿陟降儼昭格翬觚矯雲空是日出古鼎摩

杪潤蒼銅銘可配舟母賜不關黃熊視足非銜羊於唇

異鑄龍已敦庚香盧甲乙甌甑供雅鑿澈秋水自昔嗤

羣矇日吉兮辰良神光徹房櫳尚憶魯兩生畚鍤開齊

封土花之所蝕歟識深磨礪五千蕭子雲人分胡中庸

辨贗呼柳下說左咨鄭衆復有二樽古妓若娣媵從飾
脰亂紋簇挾肩雙耳同太史再拜泣致此非人工昇食
親不待靜樹號天風奉之閣中央常燃爛青紅子某孫
某某一一鑄其中閣以古鼎名愛鼎詒無窮于焉肅俎
豆申此明發衷峨眉隧明允灑崗表崇公白首缺灑埽
嗟彼兩文忠何如撫層軒極望通溟濛佳哉鬱西來彷彿
窺槐松永言蘄綽綽神貺豈易逢盥手頌斯閣彌慚
譜絲桐

鄧觀察邀飲答此詩

東京厨顧迭相宗模楷年來不易逢別墅林泉還謝傅
傳家文物自荀龍難忘樂飲酬三爵早約藏書到兩峰

時有讀書
林屋之訂
也

萬竹未窺愁策馬明朝回首六朝松

萬竹園
鄧別業

題畫蘭扇子

屏間國色寫來工漆架筠欄第幾叢小婢摘時還記否
越羅香過一衫風

爲耿郡伯題梅花山茶障子

春禽啄處淡皴苔粵白滇紅恰竝栽此樹近連烽火後
吳綃珍重錦堂開

濠右邨荒十萬家勸農纔畢又排衙使君那得尋花暇
祇合焚香倚畫叉

嘲郡庭雙鶴

雙鶴好標格毛羽無纖埃託身公府地致此非良媒但
見羣吏朝朝暮暮抱牘立何有青松白石臨蒼苔飲啄
似不適得侶且徘徊汝不見後堂紅背依繡屏鞦韆上玉
爪雙童擎汝不能乘風遠掠小鳥獻又不能倚牕習作
兒女聲何似翻然返寥廓上有雲霄下巖壑馬須肥馬
龍畫龍近來所好皆朦朧若向人間覓知己衛公難得
況支公

白門馬上觀鞦韆

櫻桃摘罷挽游驄索上旗邊入望中靜婉腰肢翻細柳
建安裙子怕春風鬟絲約鳳雙翹翠花片吹茵一寸紅
枉憶南唐瓔珞底至今新月解玲瓏

答沈方鄴見訊

桃花潭水敬亭山大雅於今在此間八詠樓曾勞夢寐
數行書忽見容顏雲飛隴首吟誰比楓落吳江句不刪
已與青鞵爲後約織簾佳處點苔班

贈王子葉

火雲車蓋晝難支看拂霜毫點越絲自寫徐熙花落墨
也勝摩詰樹無枝故家烏巷餘裙屐別墅青山剩奕碁
只有舊巢雙燕好畫中猶得認差池

偶然作

裘馬今無意溪山舊作緣花留人避世母愛子談禪小
築營身外浮雲過眼前半生堪悔事京洛驟塵鞭

八月十五後耿使君連夕置酒晴雨相間絲竹不廢王郎紫函壓其家部贈以七絕句

浮雲脉脉去迢迢
刺史芳筵晚見招
十日淮風三度雨
冰輪特地爲今宵

花邊絲竹隱簾櫳
人在牕西月在東
絕似虎山橋畔路
冷波一片畫船中

鴛鴦羅列笑成行
紫褥傳杯近笛牀
不道蕊燈開有意
坐來却竝小王郎

天半秋河洗碧苔
坊南雲影半峰開
畫眉鸚鵡都無語
只有新聲扇底來

瀟瀟子夜灑篔簹
酒渴微聞茗葉香
聽雨便勝看月好
泥人清簟這番涼

小紅留幕棧煙收
珍重冰簾上玉鈎
更待江南花兩岸
載他同上水僊舟

珠歌歷歷轉雕梁
絕調從來誤不妨
惱殺崑山魏良輔
肯分一顧與周郎

崑山顧祈叔善度曲酒次時有譏壓語

獨吟

獨吟何處豁愁顏
徒倚看雲杳靄間
昨夜女墻頰有意
西南一角露春山

風雨作

故鄉游事漸匆匆
白舫紅衫在鏡中
那得春光到江北
連朝多雨又多風

別高評事二載有送行圖新詠之寄遙答

論詩苦愛高評事念我宮商與世殊陽雁新傳絕妙語
河橋更把送行圖已拚歌鳳隨狂客未悔雕蟲失壯夫
芍藥欄邊泥飲後酒痕還漬石牀無

聞族叔赤茂計

濠右淒風夕開絨涕泫然

時從叔明遠書來予始聞信

阮林凋舊竹

陶徑誅新阡古處天何忌遺文世已傳相逢霜十度草
草悔當年

鳳郡水旱頻仍耿郡伯勘災賑饑席不暖者三年

始見豐熟述邦人之喜

濠州父老拜通衢荒政東南最此隅民幸有秋重買犢

公來何暮昔無襦勸農百粵紅肩鳥行部三秦赭汗駒

紅肩鸚鵡能作農語君特賞愛

單騎欲紓供億苦不教小吏府中趨

五月十一夜

泠泠風露瓦光澄夏坐如秋得未曾隔竹焚香夜將半
聽歌看月病猶能且消從事青州釀漫憶連船白下燈
只少南樓開遠眺更携絲管最高層

油製

西南油製滑無比我昔携歸六千里九載棄置塵埃中
橙黃今作土花紫過江風雪苦衝寒馬首蝟縮奚囊乾
前游萬事飄零盡剩汝相隨帶淚看

寄贈龔方伯

六朝江色九秋天紫幃晴開幕府煙南甸名區雙岳牧
今時異數獨旬宣龍蟠夕翠清轅外鳳下宸章玉露邊
見說錦堂將進酒丹楓黃菊一時妍

頻年羽檄正紛馳匡濟羣推半壁持轉餉縱橫諸道捷
採荒十二九重知人期緩帶新開府國倚含香舊度支
渤海家聲今白下塗歌次第補風詩

臺章稠疊指京華廷論交推節鉞加自昔龍驤營竹木

即今虎旅靜簫笳芙蓉賓從來文曲朱竹垞曾客龔幕中是歲以檢討典

試江南玉樹風流屬謝家謂蘅欲奏僊音慙未得雲牋遙

寄石城花

秋日同褚蔡二子過從祖澹園

從祖移居著水涯三年相見恰新齋徵君已去松風在

墻西為鄭良友能閒蠟屐借裘馬夢殘嗔往事煙雲秋

青城舊隱迴落高懷長鑱欲共渾無策何處邨田好縛柴

昔溪風日閉門清暫坐徘徊去住情曾是傳聞訛客死

不妨離別當前生有感花踈已映將紅葉茗渴頻移未

折鐺高枕一編吾事足新詩讀罷百愁傾

自句容至淳化關口號

山家鱗次亂楓邊兩邑從來隔一鞭只有袁橋輸稅苦

句容門巷上元田

白石斜分姊妹橋秋蕪深淺是裙腰一橋一曲蛾眉水

照客年年淚未銷兩橋相距止十丈詩土人合呼姊妹橋

浦口發

南風不許涼秋肅過江岸草依然綠山徑濛濛挂遠邨
一片楓丹隔茅屋沿溪三五淦女郎愛看秣黍盡登場
不著鷓頭出挑菜自矜兩足白如霜

答蘅圃

濠上春風悵遠天白門詩寄得相憐也知夢蝶人應笑
不爲觀魚屢判年

玉玲瓏體最清新占斷江南六代春花墅鐙河吟已徧
緘題又到遠游人

夢中得第三句

峰低野濶水粼粼雪後清淮近早春坐看斜陽帆四五

不知中有幾歸人

除夕書懷同繆一潛

浮生堪一笑偶住便三年越近鄉書少濠荒古郡偏
晴纔雪後曲奏且梅邊不是忘歸地何心聽管絃
羈懷誰可語老友喜能同待歲棊聲裏焚香酒病中山
厨無節物茅屋有春風得失人間事紛紛看塞翁
好夢尋常得宵來定有無違時甘棄置逐隊豈歡娛
茶具隨童嬾燈花笑容孤空持千百感蕭寂付團蒲

述懷

春秋一仲尼君相昧不識惟有隱者流著眼觀轍跡
彼知聖獨深聖亦愛其德下車答鳳歌問津感沮溺
非農

復非狂潔已固可惜去魯不稅冕田間料已昔宮商各
爲音異曲轉相得

百年如旦暮奈何多勞人熱中慕將相不樂賤與貧得
者衆所趨望風拜車輪魯陽戈不傳顧盼生逡巡廟廊
毋多才後來乃積薪灞亭遭呵斥上蔡潛悲辛行游南
朔間旁觀識其因昔謁氣如虎再過颶吹塵有語欲告
世舉世訝且嗔回斡首曩涂齊物悟已臻長嘯謝榮利
豈曰甘隱淪不辱以代榮一日當千春

賢士古忘勢此道今誰能問君何不忘有援斯可登世
無松栢姿將身作秋藤仁義而懷刺閤人色如冰路逢
輦金兒笑汝遠擔簦明明求財利時尚憚莫懲揮鋤管

幼安脫粟公孫弘或謂二子矯遺芬史同稱固哉食壤
蚓猶賢上臚蠅悠悠哆口實騶叟貶於陵

弱冠稍讀易三十戒馬首筮得旅之五年命屬奔走人
言是爻吉十可不一否顧以迂拙心蹭蹬忽成叟譬矢
獨遺鏃雉豈落吾手敢云占者誤得失理可剖帆轅殊
憊人再筮決所取易乃大稱意告余賁上九止園本夙
嗜返白洵無咎疊翠夢鄉山春風花十畝

緜緜無主山其原絕耒耜中有萬古木樵聲日盈耳採
伐旣難盡誰復界彼此魚鰕水爲宮漁父家在水婚嫁
不登陸煙榜作鄉里江湖真浩蕩網豈爭尺咫漁樵所
處然休將例朝市

名山誰可藏國門誰可懸羣言紛滿家無由辨媿妍當
日子雲書富人齋萬錢司空強解事尚疑身後傳傖父
賦三都十稔意何專需之以覆瓿詭語聞雲間毀譽或
失真相輕自古然嗟予學固陋弄筆舞勺年逮躡文酒
場四海多隨肩所恥在雷同自命誠戔戔晚始謝時輩
束心歸曩編先民良起予論世知才賢味道有餘樂春
華當棄捐

猛虎慎出柙奇鷹須在韝散之山澤間寥廓誰爲收四
郊有戎壘屠沽取通侯關門夜不閉壯士皆贅疣銷兵
鑄金人竟亦非良謀古來駕馭術時清掇其尤峩峩萬
夫長棊置壓九州櫪邊珠叱撥帳下錦纏頭羣公事娛

樂田野安耜耨

同心復同車脂牽守一轍笑語隨雲霞容顏若冰雪選
涂戒泥滓取徑必芳潔千騎何方來煙霧蔽城闕仰視
日已移試炙手可熱卿相立談耳何能取干謁長揖同
車人匆匆轅下別

江湖多寓公半是弦歌宰玉貌皆有求僕馬無光彩相
逢偶借問公綬何時解近者未經年遠或逾十載時清
慎民牧功令森壁壘吏治方蒸蒸日上因履危殆昔人輕
去官猿鶴蚤相待今亦去官人翻然家似海千秋菊香
裏一叟坐煙靄

少小探詞源狂來翻墨盆妄謂氣無敵三峽可吐吞天

機忽去我鈍如翎觸樊舉世工揣摩羌非性所敦偶隨
四方彥賦詩金馬門詩成不稱意何以動 至尊同時
五十子姓字懸朝暎新知間夙好車馬在相存怪我媒
妁踈牧犢老不婚一笑謝交知浩歌歸山邨力畊勿計
獲澹若忘饗殮祝歲操豚蹄絕倒淳于髡巧拙各分定
任運奚復論

自昔用兵代民多困輸將勝算出廊廟厚賦謀非臧破
格收人才勉峙芻與糧寧不慎名器所貴安農桑紈袴
方急公師旅資騰驤綰綬固其分誰謂無文章子長傳
貨殖相如亦貴郎吾於兩司馬低徊生激昂
奮發五更息初暄射茅屋映牕紅稍稍欹枕睡已足家

人起不遲絮語隔簾竹山妻推髻罷餉我杯在蓐小婢
解裝綿稚子行曬穀歲闌百務緊買閒須遣俗舴舻詎
監倉辦此歲輸斛帘間算酒債鉢底施僧粟吾事既麤
了禮節謝往復曝背把書卷墜戶停杼軸茲樂往年曾
衰晚宵馳逐永懷函風趣心與古農續

客濠梁病起芟齋前花竹

久下郡齋榻中有不俗處女墻限西南喧囂隔塵路茅
檐儘虛敞隙地差穩步去年所闢徑八尺筠屏護松竹
小僮移雜卉花傭布灌溉歲已周叢生莽穿互譬若拙
手繪塗抹失絹素偪我几與案勞人豈遑顧病餘翻喜
閒了了見幽趣搴英蝶侵袂芟草手盈露念物有本態

剪伐或傷故終然混香惡旁觀乃滋懼游刃枝葉間豁
如埽宿霧蕭爽天真開綽約年芳寓頓使歲寒姿亭亭
徹清曙羣妍各自媚紅翠不相妒輕雲墻角來舉首望
甘澍流日乍俛仰長懷增嘆吁大道多凡材青山閱嘉
樹造化本無爲竝生隨所遇菽植良區區吾何抱斯慮
寄沈行可客茗上

舊游茗雪久茫然布襪青鞵憶往緣不及故人行采藥
花時獨倚畫溪船

蹤跡俄驚三載分迢迢煙月悵離津遙聞秣米烏程貴
定有籬邊送酒人

首句通用文韻宋人謂之孤鶴出羣格

丹陽舍舟登陸感賦

去住悽然一寸心筍輿不是爲登臨南來宿雨三更斷
西去朝山四面侵店女綻衣當客岸僕夫談虎過秋林

時有虎警

淚邊真欲無乾土哭母餘生痛轉深

旅店逢王參軍飲爲予話楚南事彈琵琶一曲別
去

楚天戈製十霜餘長揖將軍不曳裾夢裏棘門真戲耳
春來芳草盍歸與淳于此日耽閤飲劇孟當年走素車
卻話聞雞如昨事檀槽淒絕夜牕虛

歲在丙辰予過滁陽題詩旅壁酒家女方八九齡
拂硯注水看予題竟又閱七載再宿此家見前
題剝落過半感行路之久仰視而嘆店叟詢所

以少女方當壚私語翁曰吾小時看客題詩于
此翁命予洗硯遂相忘耶叟以告予作詩記之
環滁青山如好友屈指相逢十有一荻舍茅檐買醉多
倥匆逆旅來時失城西小巷孤吟處屋後櫻桃垂一樹
暮雨春燈感舊題粉墻剝落無完句摩挲太息猶未終
女兒作飯桃花紅九齡洗硯今十五回頭背客私語翁
茫茫陳跡去如駛翠袖偏能認游子此日當壚解喚人
當時宛轉翁懷裏短後征衣不記年酒瓢隨馬硯隨船
輿子津人相識久雙鬟莫訝髻蒼然

憶山房

荒城少壑薄暮嬾衣裳客枕何時穩家園此際涼竹
枝童唱緩松子婢衫香料得科頭處秋陰到石牀
久識藏名是真知熱客非青憐山入夢白訝髻催歸歌
鳳徒懷古看鷗可息機鹿門妻解事早襞芟荷衣

平安

規外一杯非禹甸古來三恪只周年虛無正朔滄波隔
辛苦耕漁畫角邊間諜幾番勞幕府捷書連日報樓船
蒼生但竚平安燧笑指欃槍落海天

偶然作

地僻無好山茅棘蔓荒岡時清少奇士庸夫斗難量往
來雜新故誰知予中腸凡鳥自依林異姿必高翔升沉
何足道天性固有常徘徊復徘徊徒使髻毛蒼

莞爾笑言游喟然與曾點同聲良可風異撰亦何忝唯
聖所見大兩許無獨貶知音在天壤寂莫金徽掩

人日

客中醉客郡齋筵人日懷人澤國天誰唱越吟招舊隱
獨看山意近新年野雲罷雪鴻皆去苔石將青鶴對眠
敢信隔江書易達郵亭終藉使君傳

春夜

二月花如豆初三月似眉尊前休悵望客子願春遲

贈耿子亮進士

絕學寥寥見此翁讀書長在白鷗叢容城門下推高第
龍亢山前識寓公通籍十年身尚隱折腰五斗事難工

莫將今宰絃歌意只付黃蘗濁酒中

暮春伏枕不飯不飲五日夕自遣

勞生類轉轂計拙晚始悔三農良苦辛晏息或有在客
子何時返鏡中益衰態辟穀非神僊兀予豈陳蔡于茲
得靜坐亦覺病可愛

好春如佳人曉色催我盥東風如惡客鍵戶未可欵叢
蘭今若何花開正宜緩癡童喜晝睡藥沸不盈盞前除
方悄然鬪鵲下門限

累累閩蓮子白白淮藕枝念此潔且香煮服清心脾家
園蔬果地頗饒七箸資避喧守黃庭那用丹砂爲精力
非壯盛萬事將安施

暫歸南邨屏息塵事勞者之懷
躩焉自慰題山房

左壁

特立人千載慕思前賢故有此句平生酒數卮
水清閒釣手園小負花師
招鶴從初好聽鶯已後時
向來湖海意寂莫短筇知

溪南三折水近亦號滄浪
竹外斜通渡梅邊側置房
寧甘老圃學欲買異書藏
抱膝非孤坐春風到草堂
斜日明墟落花時步履過
游人不醉少好鳥未歸多
髮白耽幽事山青對獨歌
百年身世感俯仰舊庭柯
蓬徑清無比蕭齋自有鄰
茶僧持鉢嬾桑女婦眉真
交謝爭各地邨添食力人一
止高枕足風俗此中淳

良辰領佳趣機息與天逢
幔卷香隨婢琴橫月到松
春流迷魏晉朝氣想黃農
隔岸紅塵接褰裳未可從
空明開遠望新雨過平臯
惡草何曾碧浮雲不敢高
山林寬聖代踈放許吾曹
未怪茅檐淡沿堤種小桃

告災行

前呵擁旌旄後隊挾弓矢
不知是何官但見馬塵起
驕陽枯良苗望望荆棘裏
童叟相扶迎里正持數紙
長跽欲有陳聽者方掩耳

酬贈胡卓山

越渚吳汀接楚流雁飛南北久
無儔重來鄉國逢安定
喜見詞人盛秀州老屋擬栽
新竹去火雲猶壓水紅秋

羅含庾信尋常宅惱殺浮家一葉舟
行可至山房爲予製藥

八月朔後苦太熱衰病支頤梧葉陰好友却先秋雨到
神方欲返髻霜侵閒看野鷺知溪遠坐聽高蟬覺樹深
北策南帆分手易一時離思又盈襟

送行可由武林入茗

三江五嶺爾多緣地主逢迎說往年把卷更携燒藥竈
迴裝屢載買山錢重尋明聖湖邊月定憶青苕渡口船
寄語灞陵兒女子莫將不二訝高賢

送虎侯至江右

太息我歸晚逢君入豫章徘徊商去路結束候新涼旅

食詞人事征衫菽圃香舟輕不載石書卷在中央

典雅六書妙清新五字能臨池過曉驛題壁艷秋鐙南

浦雲無際廬山翠幾層賣文錢易得我獨如攀登

水竹爲鄰約參差願已虛游看兩孺子

君家孝績亦在江右耕媿

一長沮種菊浮名外投竿世網餘雪前歸定否釀酒待

巾車

惱藍邨嬾人櫻公訂飲不至

藍邨閉戶如新婦兀坐高樓書卷中嬾人嬾不事生產
苦愛禪榻隨櫻公僧爲惠老客宗竺閒事止有三人同
仲秋上旬與我約擬攀桂樹吟松風李子已沽斗酒待
翦蔬亭午炊煙紅貧家盤餐少兼味真率自許潔且豐

會難別易意不淺豈料蠟屐紛西東當墟蚤命赤脚婢
速客屢遣應門僮令我倚杖久延竚仰愁明月生高空
病婦慰藉語亦佳坐非北海休倥偬舉杯邀月成獨醉
作詩故惱三詩翁

過別溪菴拙公出示近什歎其意新法老子久厭
羈旅方事結茅去公精舍不遠喜倡和有日先

志以詩

雨絲催展板橋東茅屋新涼問已公蓮社不隨滄海變
詩人合在妙香中

桑柘塵邊得杜老波瀾險處工

從此結鄰溪上約往來只許白鷗同

甲子秋日出門感懷示兒潮偕五十韻

客游年甫壯垂橐竟老大不仕復不商志豈驚名利傳
食諸侯門坐惜江湖逝生事晚逾拙昨非今始悔高閣
侈列鼎賤子異所嗜小信每牽人十步九留滯太息五
年來衡茅舟屢繫母別痛終天子職罪無地餘生皆贅
疣寧止蓼莪廢病妻倦持門井臼委媪婢怪我出無端
還家轉如寄兒語學古難待父析疑義伏獵與金銀念
之恒惴惴兩報子生孫微粲寬旅思阿菊齊我腰阿萸
解索味含飴殊不惡乞食仍棄置家集感陳編梨棗疊
數世脉望走跋跋轉睫成失墜一棺悼結髮朽漸不可
昇窀穸固當營勞勞鮮寧歲人言客游樂嗟予獨況瘁
即今返里巷柴關詎遑閉近市苦喧雜鄰有屠沽肆負

郭少閒田肘掣農圃計愁來何所嚮老友剩三四浮雲
日以遠碩果不我俟問舊輒驚吁眼枯聞笛淚存者相
慰藉情語出肺腑卻憶兒童時詞章共娛戲氣豪寡深
沉學懶失精銳以茲久抑鬱挾策昧進退炎風吹帆腹
朔雪撲馬背東西南北間憑弔豁氛翳徒為英雄嘆飽
閱山水志近事殊不然入幕媿諮議倥傯牒訴擾旁午
符檄至舉世誇彌縫空談笑經濟安能長躑躅俯首學
胥吏呼兒共商略舊隱隙須菽平生負畚值散盡不堪
記書籍且捨賣竹樹亟移植去聲草堂求乞工花師指點
易結屋貴邨樸課僮勤剪刈蘭菊對芳潔魚鳥殷和氣
熱客定迴舟谷口有題字鄭山人簾題予別業有間好
雲自遠熱客不來之句

嫌丘壑窄此亦見曾次衰微何太早蒼茫在髮視敢希
身後名冉冉老可畏朗吟伐檀篇長懷灌園意歸來兮
明年拱手謝時輩

西葛城

朔氣何蕭瑟吹來片月圓乍闌茅店飲且聽竹風眠客
夢菊香裏秋銜馬策邊昨行江上路惡浪想連天

紡婦

甲第如何半住農渡頭紡婦說前蹤分明學舞擎杯見
君布蕭然作老容

無錫道中

錫山青後虎山低射舫秋銜兩岸齊柔艣無聲舟女笑

起看新月在檣西

遠芳將歸壽春贈以詩

六經之外何常師只有黃農書可敬
百家辨說方汗牛
剖析源流始歸正但使天下減疾苦
草野真參活人柄
自從往史列藝術此道何曾選
名姓焚來漫惜華佗方
照去空傳法喜鏡壽春齊子五十須
麋蒼抱奇不遇師
長桑讀書萬卷識根本立起痼疾羣
稱良齊子談脉如
談易時賢角折朱雲席齊子說藥如
說詩匡鼎入坐解
人頤南人文弱北勁悍憂患紛華事
相半從來拙手亂
涇渭不少師心隔河漢齊子料疾如
料兵往往勝敗窺
無形勝者剋期敗必棄君或斂手人
始驚李生善病嗟

日久七發無緣逢好友感君持贈駐衰丸
使我加餐意
良厚可憐湖海三十年眼中之人疇比肩
謀人則工謀
已拙黃金脫手輕秋煙逢君桃李日送君
冰雪天君非
藝術流絕學當誰傳何不鹿門採藥共
妻子何不灑陵
市上分一廛任他兒女嗔高價猶勝公卿
贈俸錢

贈小友兄

小友善畫山水出入胡長伯董文敏二家

磊落吾宗彥青鞋任所之依人金盡後得句
酒酣時家
破還游俠名藏且畫師相逢不成寐寒月
在高枝
知君負米出漫話卷書歸江上歲華晚尊
前心事違雲
山留越障冰雪阻萊衣至性兼文雅毋愁
識者稀
荔熟猿吟處當年地軸翻餘生看戰壘奉
母即僊源吾

亦倦行役春將歸故園好期芳草綠馬首共清言

和小友冬菊詩

客思蕭涼落木中歸帆不挂惜長風開牕卻有江南色
十月黃花剩幾叢

登高客散酒壚邊又過丹楓一月妍底事九秋偏不放
畏人併作女花憐

美人自昔來遲暮嘉植從知耐歲寒官舍久無陶靖節
獨留野老後時看

靜下簾鉤也避喧三弓隙地抵閒園羣芳此際爭妍少
冰雪原非雨露恩

舊籬何意做柴桑辜負山妻漉酒忙一榻寒香歸夢遠

六年詩思落君傍

折來清供插軍持兀坐閒銷十二支驛路紛紛種花柳

處不曾知

莫悵風宵更雨晨閩翁落筆解傳神即看冷淡蕭疎態
合對嶽崎歷落人

殘英不落蘂猶繁幾度吟成客斷魂一片斜陽須少駐
持螯左手右開尊

夢蝶坊南亦偶開偏因特地遠移栽明朝共汝鄉山側
要看幽人踏雪來

桃李都非舊相識
梅弟礬兄是故人

袞袞占三春若從歲晚尋儔侶

寒夜酒間有贈

今宵寒月向人好了了青天無片雲纖影不知鴻爪度
微風只有竹梢聞語深帳底移吟簾香過尊前見舞羣
清興未除吾漸老繞梁一曲肯辭醺

歲暮作

泠泠冰雪對衰顏淮渚蒼茫落木山同客五人皆藥餌
緘書幾月斷鄉關寒花欲綻春將入江雁知歸歲已闌
寄語煙波舊漁耦明年真捲釣絲還

故園

故園春事想柴荆野淥無邊接岸平一百五憐寒食近
十三四有小鬟行劉賓客詩花面鴨欄漁舍漂花路鶯

語樵歌出谷聲病起極傷歸計晚又看新月隔江生

小友贈山水行看子報以短章

名山大川走都會去馬來舟爭氣燄豈知捷足有窘步
登高必危深亦險潛夫只合住丘壑冷淡每遭時俗貶

感君招我煙景中月面松紋藤出剡

白樂天墨蹟藤角紙背有月面松紋

印見清異錄

縱觀應接頗不暇渾忘老至嗟冉冉或穿空翠

躡丹梯或掛飛流濯孤厂洞口花光惱殺人山腰雲影

開復斂植杖漁莊野艇來尋僧竹底柴門掩分明真境

眼前得良久方知出點染前有摩詰與營丘後有斯圖

語非謫天機神物不易守襲以古錦籤琬琰別後相思

隔萬峰知予獨對晴牕檢

種梅

自我客淮右來往七改歲浮生亦何爲勞勞百年內有
花須飽看有酒且盡醉官舍寂無花醉中成恨事春風
吹歸夢林萼忽破碎入門見侍兒香雪插滿髻醒來枕
簾清急起規隙地傍人怪我迂劉老頗解意紅梅好枝
幹購自遠邨致去年所種梅短短及墻際累累玉齒粲
酡顏差可配負土走兒童結籬呼匠技位置竹石間小
圃偶然遂嘉樹不在多即此慰游憇泉石或膏肓何殊
溺名利請看東逝波萬事何所繫行當書酒券付與肆
翁記一日眠一缸更丐一春霽

種梅甫畢雨作置酒招研青野臣

半生不踏羅浮雪十年不尋鄧尉山梅花與我綠亦薄
勝處讓與游人攀濠壩兩樹落我手憑欄姣若携雙鬟
紅兒俯亞雪兒仰久客乍得寬衰顏上春卸燈纔幾日
下弦飛鏡恰一彎謂當午夜遠來照何意檐溜聲潺湲
暗香踈影未可得逋翁妙句空人間顛狂無處走相訴
好語却出山童頑且喜小雨活新土漫愁東風點苔班
此言雖佞有至理更暖濁醞傾紅殷故人徐史睡未穩
秉燭再叩青銅鑲

觀舞

前除清音奏泠泠竹與絲後房香霧開宛轉步障施美
人雙鳳皇天女六銖衣裾藏新月影珠安倭墮枝迴風

對垂手貼地鬪腰肢意靜似無著態閒若有思合併疑
一身輾側詎差池戲蝶久方嬾斷雲飄已歸張鐙繼匿
景捧觴來何遲滿堂照晶盤神光交陸離少長環四筵
勸我醉勿辭歡場不爲樂慮招達者嗤春夕未可旦好
花莫輕飛萬事易陳跡終朝看令姿俛仰忽生感此意
無人知

悶極

年年逢春愁作客今年作客兼善病年年看花愁對雨
今年雨積風又橫拔木揚沙聽若雷一旬未有艷陽來
野夫襟抱如桃李總待春風定後開

漫興和杜韻兼倣其體調

二十日春無日醒底暇走覓好林亭擬秣青芻乘果下
換船花水問江寧

舊客新客都愁絕旅舍參差如數家早遣平頭相催迫

隔籬報有夜開花

史徐子同客

東風吹園土膏坼眼見好樹種宜頻去年桃杏雖枯死
也立春禽曉喚人

兩月不見鄉信來昨日開緘笑一回病妻壓酒兒栽竹
要待山翁勸百杯

苦憶琴書載兩頭權歌杳杳轉春洲絕憐越樹交吳樹
故惱淮流接泗流

許叟披裘背郭邨避人讀易小蓬門下簾土銚踈煙裏

七十看花眼未昏許隱君汝一精易數種樹為業不入城府

一卷岐黃坐擁檀栾莊只課市魚錢藥欄駐馬渾閒事

肯放先生穩晝眠齊處士遠芳家壽春之栾莊淮水經其南環居種柳自號萬柳主人喜讀

書尤工醫

江南麴香玉手拈江北壚女少纖纖茗溪臘春來未得

濠肆邨缸愁太甜

豈有三徑比栗里已免五斗行折腰料理生前秫半頃

不須宅外柳千條

過黃媪小園題竹

媪家淮水之上無兒寡居二十年矣課婢子種蔬藝

果樹自活墻外竹木森列好事者或載酒挈樂過之

媪勿問也題其竹紀吾所聞

無偶無兒事可哀滿園蔬果婢能栽淮人不識南邨媪

但到花時雜沓來

豪州東望綠陰齊指點淮渦舊障堤百尺女貞高竹外

歸禽未許作雙棲

嬰房機檻薜蘿深二十孀雌獨至今種樹一編長在手

不知世有白頭吟

一寸桃花一寸草十三弦柱十三簧錦鞦競帶春暉去

寂莫蹊頭黃四孃

秋錦山房集卷七終

男潮借謹編

吳陳詩集

神龍山房集卷十終

吳陳詩集卷十終

神龍山房集卷十終

吳陳詩集卷十終

神龍山房集卷十終

吳陳詩集卷十終

神龍山房集卷十終

吳陳詩集卷十終

神龍山房集卷十終

吳陳詩集卷十終



